

三長物齋詩略

三長物齋詩略卷三

寧鄉黃本驥仲良著

車秋舫以和陶山先生南山用韓韻詩并戴惜初

凝之

蔡曼受

成輅

王濬江

慶嗣

和作見寄次韻

代東兼呈陶山先生及惜初諸君

臣驥再拜言尺書達文囿客游境屢遷如夢難詰究憶
昨留關中餐勞長者授欲作南山詩數九恐一漏郵筒
惠遠音新篇喜疊觀薇堂老宿倡蓮幕羣材湊讀竟瓊
瑤詞平原合絲繡聲和高下宜味永中邊透北征逕瓌
奇西京匹醇茂詩與山爭雄各各成峯岫欲和羞效顰

韻險苦莫就，巉峭岡鳳鳴。羣雌宜敷囑，況我客秦時。未
領山容秀，操勺挹天漿。安能別醺酎，我家衡山陽。咫尺
天關覆，亦曾登祝融。芒鞋踏雲構，竝行過華陰。瞥見三
峯瘦，平生邱壑懷。頗隘塵中宙，每從覽勝時。心肝頻劇
鏤，此山况巖巖。曾莫知廣袤，頂麓判陰晴。朝夕殊節候，
蜀棧儼雲初。秦隴分嫡遙，開擘勞神丁。昨蠻詹吉戊，山
深易納污。圖蠟常藏寶，堂堂菑國公。防邊善淫漱，爲治
期便民。靜鎮法綸綵，幕府羅羣英。清譚消永晝，種竹雲
生篠。關池月可漚，有時發長吟。欲寄寒巖硯，秋舫張一
軍。百戰不一仆，訪碑曾入山。頗嗤歐趙陋，貞吉顏衡齋。

金石誇暴富往往獲遺珠緘題貽下走惜初偉軀幹薄
書佐仁宥公車屢就徵抱璞未肯售方今重通才遠邁
宋元祐遲君金馬門莫使侏儒詬曼受短而文汲古井
頻發參軍銜自佳君謨書不愁我初款文惟一見識如
舊陸解分東西機雲今喜又濩江羈末吏尺水困靈鬻
倘使御風行泠然列禦寇俗耳悅鄭聲靡曼誰挽救度
曲君所長鳳律須探轂青門別諸君仙樂雲璈奏余去
時周君雨齋繪青門話別圖見贈拙詩二
首陶山先生及文幕諸君均有見和之作歷數圖中人
論交非市賈此行頗自負所遇匪邂逅長揖辭山靈雲
中辨肩脰荒荒野日黃迴首漸昏瞶潼井浴溫湯河舟

亂渾陷蒲坂接中條古道頻往復屈指計客程十日達
山右平陽古帝都禮明樂教胄道遠望太行嘯喙通絛
臭汾水遶其陽霍岳爲之副叢薄竄鶻麋密箐藏鼯鼯
栗烝黃玉肥棗蠟紅丸縐以此較南山兩雄欲相鬪纔
聽寒蟲號又聞春雉雊此時隨計車都門當輻輳亦欲
策疲驢天衢遲馳驟郵亭柳正青神祈九烈佑人海聚
春官醫俗資鍼灸幸學觀盛典蚪文摹鼓籥榮名
倘倖邀不妨千日逗如其拂袖歸長此勤耕耨客酒
可賒典衣書可購紛紛名利場衆譴甘獨譴玆衣萊母
歡蓬頭霸子幼阿兄賢吾師談詩頗不謬一官巫水陽

黎補克飭儼人生不百年輒掩邨山匱行樂當及時何
須戀芻豆試看南山南古冢摧石獸當其全盛時半是
人中驚金張耀於前崔廬蕃於後此山不可移家世誰
能留惟我與諸君契好逾婚媾天涯卽比鄰置書滿懷
袖騷壇互磋劖藝圃逞獵狩但得附青雲相期可白首
履曳趙勝珠飯比田文餽翹首狄公門桃李廣搜收敲
詩夜翦鐙賭射朝中殼焦桐遇知音何須愁鬢煎去歲
出里門諏日得佳繇遍遊燕晉秦所向輒占姤岳陽三
月留常與鄉人遊浮山及趙城相錯等列宿余客岳陽
丁禮門先
生署與浮山謝鄒湖趙城楊菊泉二明府相距皆不下
及百里謝楊皆長沙人因以書招並得信宿其署

榻陳蕃齋驛置鄭莊廩賦別感文通珍重勝璣琇

柳湖菊泉

及柳湖令子懷堂中表弟丁卯橋他日歸湘壘黏帖遍

歸安唐曉堂並有青門話別和作
戶雷諸君倘見懷勿爲形迹扭千里可致書文行期交
愁車笠盟莫寒古諺中肯綮南山如有知明神其歆侑
此詩擬昌黎淺薄知多疚用補貧交行是爲無上咒槐
南廣廈中也曾許暫餽驛路折寒梅一枝聊寄嗅泐此
候文佳伏乞君鑒酌

代段璧儕明府題丁禮門先生

公路

山西詠古詩

靈風颯颯掀帷人無數英魂離紙立焚香試讀咏古詩
千秋婦孺知歌泣君生南國芷蘭鄉離騷香草童年拾

捉將官裏來岳陽十歲不遷階一級撫字心忘積牘勞
弔古詩憑修綆汲銅狄會悲荆棘荒青衫豈爲琵琶濕
每逢古墓與叢祠墨痕亂灑金壺汁晉乘能從樂府傳
唐風可補山樞什董狐不作司馬亡史家特筆吟壇執
我初怪君太瘦生飯顆曾逢頭戴笠別來幾日興逾豪
河岳英靈成巨集呂書莫惜千金懸蔡札應須十吏給
近來咏古非無人詩成覆瓿嗟何及搜神點鬼逞荒唐
喝月嘲風徒勦襲讀君此卷發長謡昨夜春雷初啓蟄

題東坡居士遺像

人忠才少公患多文章脫口如翻河花猪肉美飽則那

三蕉葉酒瀕微酡烏臺詩案誠么麼我欲喚醒春夢婆

朝雲無語柰若何

像側以朝雲侍

韓氏雙貞詩

伯夷食周粟當與望散儔室女或改字豈貽父母羞要
知節義貴專一守身寧隘毋同流雙雙韓姑誰相攸一
塹一李人中此秦雲淞水忽奔逝頓令婉婉歌柏舟柏
舟本是婦人職處子力與爭千秋堅貞得一已可尙况
乃同氣無薰蕕二女同居復同志簪鋳孽紉間且幽不
待結褵早心許留將故劍冥中求冬青合種淑女墓招
魂應與湘君游雙貞無愧偉男子求諸古史誰可侔此

身不辱志不降首陽高義閨門留吁嗟乎首陽高義閨門留

題裴芥舟學博滄海歸舟圖

人生不著尋山屐頓使光陰等陳迹人生不乘泛海舟
誰知身世同浮漚歸帆一幘寫滄海鯨波鼉嶼依稀在
吞將溟渤入胸懷吐作雲霓發精采五色攜歸解嶠花
三年種遍沅江茝賦才端不讓木華畫稿居然勝王宰
昨秋曾謁綠野堂太行夕照歸行囊先生况是晉公裔
等身著作名山藏一官低壓百僚底掀髯大笑神飛揚
鴻泥蹤迹重回首團團海日升扶桑

題孫少梧

葆恬

九疑訪古畫筵

天台賦客游蒼梧，筵頭寫出秋模糊。
簫韶玉琯渾莫辨，九峯亂插青芙蕖。
我昨與君同訪古，扁舟夜泛巴邱湖。
黃陵廟側采蘼杜，斑竹叢中啼鷓鴣。
雲端弟子不可見，見此畫稿增踟躕。
安得與君陟翠巘，摩挲丹篆重稽虞。
憶我西行歷蒲坂，亦曾恭謁神明都。
中條山色貯歸橐，正欲補寫歌風圖。
湘靈縹緲鼓瑤瑟，霓車爲我留須臾。
甲申夏客衡郡李閏甫

錫桐

以扇索詩爲擬韓昌

黎此日足可惜一篇并次其韻

此日足可惜，有酒君須嘗。
衙齋良宴會，共此官燭光。
我

初未識君聞君介而方曳裾佐邦伯法讀鄭侯章我友

邵香伯致君書數行衡湘幾日別約畧敘離腸頗言及

賤子驚馬驂駟房其時月在已扁舟泊衡陽蔣翁開三

徑謂春巖居我嘉樹堂郡齋名得接羊求侶甚慰夙昔望

沈約腰仍瘦病孫康腹不荒杞與君如舊識謂我非狂

徧朝夕共食案瑣談及家常世人薄交誼古道日已亡

易合若膠漆競說相思長一旦相背負棄置衢路旁我

家楚南岫君家越東江苔岑有真契何須質神明杭產

搗薑扇烏油發奇光愧無瓊玖報所贈何可當又出筵

頭畫丹碧何煌煌作者今錢選樸齋弃官以藝鳴要我題

其端小字臨黃庭爲君述舊游所歷多勝名我曾北至
燕春試名無成金臺誰市駿弔古徒悲傷道旁纍纍塚
知是誰家喪巋然樂毅墓國士焉能雙西行太行道驕
馱如在牀荒祠謁淮陰陟嶺增徬徨世豈無漂母一飯
誰爲將秋風吹征衫勞役惟所丁霍陽三月留塵鞅稍
稍忘又西走關輔灑灑聞河聲巨靈擘太華雲氣時變
更中有希夷子長睡無災殃我欲喚使醒把臂游青城
日暮朔風厲麻車不可停終南九月雪彌漫被山岡淺
晨訪古寺道凍奚奴僵主人宴賓從時吾鄉唐陶山席
先生開藩浹石席
地羅盤觴振衣慈恩塢酒後差能狂高岑及老杜題壁

詩名轟惜無高飛。翩與之同翺。翔青門六月息。仍復登
車航。朝浴潼井白。暮渡渾流黃。往返數千里。勝蹟難具
詳。及今一迴憶。翻恨歸芒芒。若鄉山水窟。聞之自孩童。
有峯名放鶴。山名曰卧龍。禹穴探宛委。鑑湖溯滄茫。柯
亭近君宅。箇竹尤軒昂。胡爲舍此勝。來聽湘鵲鳴。衡雲
七十二。蜿蜒蟠楚疆。羣峯如諸季。祝融爲之兄。仙人采
赤芝。延壽啖彭殤。萍蹤幸偶合。同客茲山陽。安得十日
暇。橐貯尋山糧。朱陵古洞天。盛暑疑秋涼。雲山悅君性。
泉石怡我情。勝游得勝侶。庶不虛所經。他日歸故里。說
與鄉人聽。今朝食角黍。始覺時序更。去夏觀競渡。我歸

自燕京歲月如逝水滔滔去長江又如遠方客一別難
再逢生涯各努力同心勝蘭叢我詩和韓子非以文送
窮客游有真樂友朋希古狂君其語香伯無須思故鄉

王香甘夫子以詩見寄聞有校士之行和韻奉答

琴軒趨侍爽前盟

夫子有函見

喜有秋闈校士行男婦

一家皆弟子

內人香雪承以文字見賞亦在弟子之列

鑒衡兩度屬先生

辛巳

及今凡二

問年定比同門長新進終輸舊雨情待向頤

園重掃徑盤餐分獻賴人羹

願園在舍東夫

道光元年本驥鄉薦出香杜夫子門下以湖南通

志爲贊夫子携至舟爲水所敗五年從弟本齡

亦出門下仍以通志爲贅因繫以詩卽次園中
見憶之韻

羔鴈稽成例荒莊但有書何須修用肉差喜貫同魚衣
鉢師恩舊苞苴禮數疎弟兄佳話在雅贄許誰如

九日集紫花山館分題得蟹分韻得江字

擘蟹曾令酒膽降十年秋夢隔蒸江

十年前客衡陽此曾有擘蟹詩刻

香臚所銀千縷又喜螯持玉一雙

鮭菜但能供客饌

陸中

陳子言張玉峯皆

萬鱸何事戀歸艖

王香杜夫子曾尊

前試品團尖味濁酒頻傾激灑缸

辰陽舟次蔣春巖觀察

紹宗

以詠菊詩見贈疊和

十首

曾餐秋菊悟前身持贈渾疑對故人欲采寒香招酒客
權將傲骨拜花神數枝冷艷同誰澹一種癡情似我真
自有陳蕃爲下榻凡姿從此出風塵

病骨支離客裏身

途次小
病數日

誰知花更瘦於人投來縞紵

交原淡寫出風霜筆有神節以晚香戒逸品學從老圃
見天真漫疑蔣徑輸陶徑得伴羊求便絕塵

前生應是此花身到處先逢送酒人開向霜天還餌強
移來月地倍精神英餐楚澤情非俗秀擷陶籬句始真
三徑莫嫌顏色淡胸懷原不染纖塵

扁舟共載倦游身情話欣陪舊主人折得寒花傳驛使

沽來濁酒酬灘神

是日過清浪灘

鶴雖善病聲偏壯

謂同行沈病鶴

到能癡性自真酬唱頓忘行役困天涯何處是紅塵

夢裏生涯醉裡身眼前多少看花人但求異植誇儕偶

競指妖姿詫鬼神石尉園林終是假陶家門戶孰能真

何如載向觀風舫少許清芬已出塵

頻年席帽未離身且向江湖作散人采藥何時尋石友

買山無力恨錢神休疑阮藉狂如故自信嵇康懶是真

但得花前終日醉晨炊忘卻甑生塵

遷吏爭迎綰綬身

先生時護辰旣道策

乞詩蠻女識官人花圍虎

旅三千士

道轄苗疆特設練勇軍衛

墨灑龍賓十二神案牘雖勞形

轉逸旌旄暫假秩應真秋華采遍還徵實僚佐誰堪步

後塵

柴桑原是宰官身護惜名花勝美人洛浦無媒空入夢
巫山有女孰傳神從來艷質皆成幻似此孤芳始覺真
他日籬東重把酒不辭沈醉卧香塵

籬籬風味酒邊身澹泊襟懷磊落人耐冷爲傳青女信
含羞疑遇紫姑神菊天歲月閒中適槐國功名夢裏真
敝褐不堪重抖擻尙留京洛舊緇塵

一枕藏身穩卧身飢驅頻逐五溪人碧蘿深處啼山鬼

銅鼓聲中賽水神對鏡始驚須髮改銜杯方覺友朋真
故園此日花無賴埽徑應添幾許塵

初至五簞杜時山

啟崑

以喜虎癡至詩見贈次韻

答之

平生重交誼自信惟一真別君近廿載各有高堂親相
見問無恙煮茗逢良辰近况難具述約畧爲君陳阿兄
幸冷宦賣志無由伸何如君有弟貧賤相依因屈指計
故交強半悲沈淪雲濤與竹軒草宿墓不新巴陵龔君
立海潮潭
詩僧本照
先後物故安得挈家累與君重結鄰詩酒相過從行樂
無遠巡有燭且共秉何知夜嚮晨

陳雨峯都督

階平

招賞牡丹賦此報謝

旂門一夜東風起吹醒名花綻紅紫主人愛客兼愛花
手酌香醪脰鮮鯉高張戎幕護天香良會何須鬪羅綺
世人但解賞紅妝管弦競繞平章里沈香亭下百寶欄
裙屐紛紛誇侈靡何如角艷登春臺一軍小識花前技
五星分布燦成行十隊橫陳嬌莫比頻搗羯鼓催奇葩
更折繁枝當皎矢露花濃映鐵甲寒粉靨低搖銀燭美
不以嬉春廢將韜時花講藝都如此興酣橫槊登危亭
勇號長懷法福俚欲將聯額留去思何惜金錢葺遺址
法福俚巴圖魯前帥富正心勇號也富
晉建亭署後都督重葺之表以聯額尋芳眺遠兩軒

然時和忘却邊關鄙好武真同馬伏波談兵絕似劉中
壘從來風雅多將才自古英雄卽名士試看麾蓋出巡
方乞詩蠻女應長跪獐花何敢比姚黃一枝富貴差堪
擬走也倦看長安花銜杯且醉紅茵底揮塵欣聞驚座
談曳裾辱倒迎賓屣行將草檄弃儒冠縛袴從戎執鞭
弭不爾坐封鼠姑叢蘸露濡毫著花史花時一歲難再
逢秉燭同防繼寸晷來朝更看一品紅旌旄再擁從茲
始都督前得提督
事刻自旌旄吟

賞花之會春巖觀察以巡方未與雨峯都督設飲

重招觀察命代吟志謝

觀察精於詩義故以六
月采芑二詩組織成章

六月頌爲憲采芑歌其猶賢哉古元老旣武文亦修膺

鯉宴諸友殮鸞靖邦讎須知飲御時已具師干謀非以

織文施耀彼張仲眸非以慈珩芾威彼蠻荆酋受祉本

嚴翼顯允徵偉鉤我嘗讀二詩得柄知其由

說案舊有讀詩知柄

將軍鎮邊徼吉甫方叔儔偶然值春暮燕喜飛觥籌况

有姚魏品堪卜命服休央央旂旒色艷與花同幽催以

淵闐鼓有以霆雷謳幕用烏章繪矢從魚服抽藉此表

閒信要非耽嬉遊試觀五星陣計日勤春蒐旣安表軒

輶克壯陳貔貅安得十斛酒載以百兩駟飲邇裨卒

膚公奏 皇州我行愧永久竟月巡蠻陬負此艷陽節

未酌花前甌歸來謁帥府春盡香仍留解頤索匡鼎大
白爲重浮示我詩一卷雲錦何疊稠要我歌一曲請歌
小雅周馥彼昊天隼雲路方悠悠

爲沈病鶴

光熙

書帳帘四絕句

三晉雲山三峽波知君老去夢痕多癡情絕似林和靖
人共梅花香一窩

不把黃金買細君儵然一榻抱秋雲放頭睡到東方白
蝴蝶莊周雨莫分

鶴骨支離太瘦生神仙懶學況浮名客途飽喫黃梁飯
掉臂邯鄲道上行

我亦癡如瞋睡蟲頗嫌札闔笑冬烘荒齋欲製談經帳
長物何妨效馬融

觀陣篇爲雨峯都督作

邊城曉擊靈鼉鼓鎮邊將軍開帥府全軍整隊出郊坰
其時吹律中仲呂粵稽周政重苗田況值虞階奏干羽
要以精思勵職思不因偃武弛講武營門肅靜馬銜枚
將令森嚴軍不語偏裨從之衆若雲士民觀者環如堵
鵝鵲飛翔壁壘開龍蛇蟠屈旌旗舉奇奇偶偶自成行
正正堂堂各歸伍帳纛飄搖螺角鳴疊演梅花其數五
更番勁卒列前茅旋轉疑兵爲後拒曄曄震耳響雷霆

步伐同心躍貔虎騎軍火具周四圍翼蔽刀槍護弓弩
有時屹立山難移倏爾分張米可聚逸馬方揚潘黨塵
奔牛忽縱田單炬銳進斜飛任指麾變幻百出仍按部
我聞此陣出宏農心造韜鈴不師古將軍更出奇中奇
而歲練成軍一旅五花分布爲五星舊式翻成新戰譜
五五二千五百人木金水火中央土圖終太極分方圓
譬如萬騎紛難數須臾收隊校場閑悠悠白日方亭午
憶我前度嬉春風竟日銜杯醉瑤圃賞花旣似陣凌雲
觀陣又如花帶雨師貞有律方能知士勇無譁餘可賈
分北無須續竄苗歌南可卜風競楚禿顙曾題講藝圖

其義未備詩爲補壁上觀兵紙上談孫吳應笑儒生腐

題曾秋湄

世崧

秋山紅樹圖

去臘來訪君踏遍千山雪今春又相訪賞花逢令節主
人賢而文一榻爲君設酒酣驚四筵高談霏玉屑示我
秋山圖山景真幽絕畫者西湖漁神清癖更潔烟雲紙
上生邱壑胸中列紅樹三兩株瘦幹如屈鐵秋風蕭然
來夕陽遠明滅隔樹尋樵踪徑隨雲曲折山腰葉半遮
破屋補其缺此現在人間豈復知炎熱囊錢如可買莫
向僮人說誅茅約結鄰與君共怡悅彈鋏歌歸來自笑
謀生拙富貴須何時疎狂計已決但得入林深何慮家

難挈昔我遊終南冊繪青門別昨秋看家山有圖頗不
劣亦曾屬君題花燦青蓮舌君家近酉陽中有藏書穴
要我報以詩續貂無乃褻爾我貧賤交非以聲氣結麋
鹿性難馴遠害忘羈綬共話山水緣君豪我亦傑世有
信陵君焉肯棄毛薛

龍夫人紀行詩

固原提督楊誠村芳繼配

高涼錦繡石砭嬪歷朝英武多閨人我嘗讀史發喟歎
娘子乃勝封疆臣及今得識固原帥功高直欲圖麒麟
天生嘉耦具將略伯高後裔家峩岷于歸宏農主內政
虔修婦職供藥蘋傳餐犒士辦牛酒細柳不獨將軍真

憶昔將軍鎮寧陝，固原借箸馳征輪。夫人有子未出腹，
縞綦留待高堂親。鎮城軍饑市閉糶，當事不指調荒困。
是秋七月叛卒起，戕官劫庫燔民屯。封狼肆虐鹿走險，
六千君子成黃巾。斯時健將膽亦破，況以巾幗兼有身。
叛黨環轅請速避，粉黛頓作雷霆噴。傳令開轅聽衆入，
淋漓血手殊難馴。叱之長跪噤無語，指畫利害開頑民。
國家豢汝殺逆賊，寸功未立翻信信。大兵聞警計日至，
掃除穴蟻烹釜鱗。聞者感泣誓相衛，我等非叛迫於貧。
勢已洶洶不可待，擁輿送出危城圍。難民從者塞道路，
白日黯淡風揚塵。興安太守從兄治，鵠原急難相依因。

商馱冒險運囊橐檢點未失錢一緡將軍聞變赫然怒
被甲上馬軍威振日馳千里達鎮所渠魁就戮餘自新
時有降卒頗反側微聞其語佯不詢卽遣悍者逆家屬
無須一介爲防巡繡幟登程朔風厲呱呱在抱纔兼旬
中途雪花大如掌奚隸挾纈嬉陽春一卒被酒偶相閱
立予杖決威能仰旁觀咋舌慮激變信義壓衆咸凜遵
我關塞行難其述卽此可配洗與秦有琴善彈蘭善畫
餘事豈獨誇父神飽經患難勤拊畜子有嚴父夫有賓
西極流沙東粵海北窮涿野南湘濱隨宦所至數萬里
口碑遍頌賢且仁是宜白首佐戎政錦誥疊賁酬庸

綸昨冬葵宿照在渚何期薤露零蕭辰偉略煌煌宜紀
史遺徵歷歷當鐫珉我作此詩達帥府采風試向輶軒
陳固原軍士倘相和秦聲楚些同酸辛

歐陽氏姑婦雙節詩

憶昔游關中曾觀華陰柏託根嶽祠傍雙柯撐鐵石遠
歷四千年高盤三百尺虬枝帶雪蒼鶴蓋凝霜白名登
紫府編籍著丹邱冊及今歸里閭常想舊標格昨瞻寶
婺光近照湘西宅族望出廬陵黃李同所適姑以垂莫
年煉石補天隙其婦誓守貞婉婉稱完璧蠶箔伴春燈
蛩牀弔秋夕栢舟矢靡他餘慶因善積吁嗟歲寒心觸

我舊游迹古柏有貞姿猶爲人愛惜况此媚閨賢須眉
愧巾幘迴望秦雲青遠逐湘流碧

題寄竹山房

人生天地間何處是故里客中有山房聊以寄行李修
竹三兩竿淨綠透牕紙銜杯月到門拂硯雲生几人方
病夏畦君獨哦秋水留客深林中坐我幽篁裏何須主
問人不可君無此我觀古達人善寄而已矣孔孟寄於
儒老莊寄於子屈宋寄於騷班馬寄於史顏壽寄於生
彭殤寄於死染絲寄於悲乘桴寄於喜處則寄山林出
則寄朝市達則寄簪纓窮則寄耒耜寄貧於簞瓢寄富

於純綺寄才於簡編寄勇於弧矢大或寄豐功小亦寄
薄技厥族雖萬殊所寄無二理君如王子猷於竹亦寄
耳謂此乃駢枝偶然寄於指或寄山之巔或寄水之涘
渭川千戶侯會稽東南美成竹在胸中虛懷與之似庶
可寄於人竹卽私諸已我非黃叔度安能消吝鄙作詩
寄山房颯颯涼風起

夏日過太平庵訪比丘尼智參不遇有懷徐止峯

二尹 日海

城市多囂塵何處避新暑偶出東郭門禪栖方閉戶叩
關訪比丘采藥適他所其庵小而潔條然列鐘鼓風動

石楠枝飛花滿廊廡有徒童月駭幽閒勝室女見客禮
數恭山茗泥爐煮我未至五簞先聞此庵主美哉城北
徐曾以金屋貯耻效鸞家姬千金學歌舞佛性具生初
舌底青蓮吐天道果無知玉樹埋黃土紅袖痛香消披
緇服梵宇感舊誦法華聲聲達冥府非同謝自然餐霞
翼冲舉孤鷺寄珠林遠勝分香侶紛紛賤丈夫朝暮異
秦楚不意柏舟篇翻向桑門補卽茲貞慧操便可降龍
虎我有延陵劍未挂徐君樹過此如黃壚悽然懷舊雨
寄語觀風人采詩入治譜金布獨孤園法護章馱杵推
彼菩提心遍振苦海苦

觀郡人賽城隍神三首

男兒七尺軀生計危且勞兩腳踏實地植身猶不牢市
儈逞趨捷走險如奔猱遂令尺八腿續至丈許高趾高
心不固君子譏莫敖軀長僅食粟頑鈍咀曹交嬰嬰不
六尺歷相齊三朝長狄空自長魯史書人妖斯理伊未
喻但解諺曰曹自負專車骨舉世皆僂僂豈索長安米
欲給侏儒號有時素其冠喪神晝遊邀有時青其衿效
彼城闕挑終南有捷徑舉足登雲霄登高信可樂世路
多敝蹶失勢偶一跌難解旁觀嘲

高廊漢

白晝鬼滿市荷戟行踉蹌朱粉失面目緇綵爲衣裳妻

予不相識意氣方揚揚成羣累千百舉國真若狂安得
鍾進士噉汝充饑腸一鬼前致詞鬼陰我則陽被髮學
晉厲游戲庸何傷豈若范陽相藍面爲人殃車載玩易
象爲蜮歌詩章一鼎鑄魑魅二豎居膏肓人鬼渾莫辨
挪揄過路傍地獄現變相畫手誰擅場或如若教餒或
如伯有彊一一爲塗抹醜態難具詳世覩子都姣陰險
誠難防鬼貌雖可憎猶勝人無良

花面鬼

義方有明訓育德先養蒙誰家總角兒貌暫肌膚豐從
茲教以正安知非奇童云非壽者相解厄邀神功明珠
間翠羽絡以珊瑚紅不惜十戶產飾此囚車工重則桎

稽拳輕亦城旦春頓令襁褓子流竄等四凶閭巷競觀
美父兄無作容酷吏効磔鼠雖慧難令終少成若天性
無恥何孝恭

朝廷重刑辟草綠囹圄空赤子亦何辜忍與棄市同安
得家置喙誘彼慈愛衷薄俗不盡草何由還淳風城隍
如有神見此其無恫

四車兒

三長物齋詩略卷四

寧鄉黃本驥仲良著

雨集頤園用顏魯公水堂聯句韻

滿眼皆詩題到處尋無著一雨蕭然來雅稱披襟樂安
排酒百杯相賞互斟酌涼氣透簾櫳綠意遍城郭故人
不我遺今雨如有約雨聲雜吟聲噲呺相間作嗟余負

米歸師友慰離索衝泥集散廬此情殊不惡孟公

陳子言

驚座談善戲何妨謔孝先

張蓉裳

戀藉盤膏梁甘力卻吾

師

王香杜夫子

與沅陵

李竹谿

暫改綬若若儘可十日畱噪晴

憎野鵲但得長往來何恤偶飄泊良會如再逢此雨應

踐諾

湘江觀漲用杜工部三川觀漲韻

丙戌夏茶攸被水時作

南風吹老蛟一夜起平陸奔濤挾怒雷洶厖撼山谷上
游城郭摧彭咸紛在目乍恐橘洲沉翻嫌洞庭蹙湘江
卅六灣洲渚多屈曲水急不相容兩岸山欲踏酣如萬
鼓聲譟聲戰涿鹿安得一丸泥立向中流塞赤手障狂
瀾應比禹功速不爾鞭陽侯導使歸巨壑斷鼉立危柱
何慮不周覆伐竹編長楫何恤南山禿高登陶公臺斬
此奠坤軸傷心被災氓昨聚今獨宿夜聽靈胥濤嗷嗷
萬鬼哭性命託棲苴浮家絕肯蓄以此問蒼穹應不厭

頰黷長沙本卑濕江如羅帶束水至不爲災敢望衣食
足視彼涿淶江此地居無跼世路多險夷人心易盈縮
無田豈有秋得食堪鼓腹區區雁鶩懷敢羨凌霄鵠

集鐵佛寺分得微韻

西風撼樹秋梧飛尋詩有客排荆扉相攜城北訪古寺
團團一笠遮朝暉此亭不古亦不俗湘西嶽色青蒼圍
古佛籬僧舊所識飢驅笑我長相違世人遊賞每賤目
脚跟蓬轉掇塵戰眼前勝境不肯到乃欲遠踏漁郎磯
黔陽夫子香杜沅陵長竹躬恥隨朝士齊布衣元龍子旣
爲湖海客平子蓉亦賦京畿歸時我遠客五溪幕知己

落落晨星稀偶緣省侍返間左得與師友相因依每逢
勝日輒小聚新詩脫口追陶韋人生所處貴適意何用
簾箔明珠璣卽此禪樓置筆硯角藝可建騷壇旂吾師
他日歸故里童冠共浴春風沂諸君千里倘相憶抱琴
定嘆知音希來夕雙星照牛渚友朋離合如匹妃今朝
有酒且共醉雲章預挾天孫機

七夕集鴈園分韻得曝字壬午是夕蒙花縣宴客
於此以花入曝衣樓五字分韻香杜夫子子吉
蓉裳皆坐客也故仍用舊韻分拈禁用七夕故

事

商律傳新秋朋尊聚舊屋座中北海賓尙憶東頭陸屈
指歲四霜明星猶在日其時我浪遊一鞭度函谷偶看
爛柯棋遂誤鴿原哭今宵師與友依舊相追逐不見耘
花人樓衣忍重曝兄弟與友朋離合如轉轂乞巧欲何
爲寸拙無嫌獨但得埽荒園携琴就幽竹歲歲值今宵
分光共燈燭暫結天上緣便占人間福

題湘江惜別圖送子言歸江東竹谿歸粵西

德星陳仲弓談笑見肝膈龍門李元禮簪纓甘雅澹同

時客湘中排日懷鉛槧飲陶王宏能

香杜夫子

和韓張籍敢

裳容小子潤其間樹學蚍蜉撼方喜聚會長甘苦同嗜攬

三
霜翮忽分飛雁信驚秋
焚後會不可期未別魂先黯何
以壯歸裝蘭茝憑搜摯何以寄離思雲樹共瞻覽請將
惜別圖飾以古錦贈秉燭惜餘暉莫問譙鼓統

王香杜夫子集同人登擘湘樓余未及與于小邨

樂章
出冊索題拈得集字

九州快勝游晴雨勞鞭筇豈知絕勝區近在吾鄉邑去
秋看家山峯巒入圖溼昨聞王夫子挈侶江樓集樓高
背市厯秋色堪俯拾嶽樹青能攀湘波綠可吸簾箔敞
西窗目隨雲出入余時以俗牽未暇追陪及于子持寸
箋索題真火急詩追陶徑三客補蘇門十信美與雪陽

得此差鼎立

信美香林未于海樓雲
陽樓余去秋看山所也

偶游樓輒傳暫會

稿便輯雕繪侔神工應使湘靈泣始信斗方中大有名

士習

近有以斗方名士
嘲同輩者故及之

重九日過鐵佛寺遇峨眉行脚僧長清時年百四

歲

西岳道士峨眉僧勝境乃使斯徒憑去年重九作文讌

市樓飽看山千劇片雲遠自函谷至羽衣入坐談飛昇

去秋於雲陽樓作看山詩社有
西岳道士劉師松適與具會

今年此日過蕭寺囊萸

依舊携良朋摩挲鐵柱拜古佛復逢老衲參禪燈彈指

光陰僅隔歲僧徒道侶招頻仍僧云飛錫渡南海杖頭

餘潤波濤騰甲子六百二十四肌膚瘦削如枯藤兒齒
重生頗健飯芋魁半熟餐盈升俗衆環觀競相詫叩以
異術佯不謗余謂此僧了無異非能證果通大乘生長
巴水飲雪水故爾赤腳行寒冰人生六觸不少斷筋骨
柔脆安能勝打包行脚數萬里如禽善避網與罾更歷
百年亦偶爾何須覺路錯金繩西岳三峯昔所到希夷
骨朽名徒稱峨眉未到亦想見雲峯百丈排峻嶒我欲
從之訪勝境遍游秦蜀窮攀登山滿眼乃所願不願
效爾僧徒道侶書符說偈多殊能

集信美樓送李伊卿

范訓

之姑蘇

吟囊不貯吳公愁，千篇金粉背村謳。酒杯不醉閭門月，空向人間見圓缺。北走燕趙西走秦，我歸力埽征車塵。恨不隨君去，姑熟秋花共采。西江蘋蘩陽夫子，王少伯挈侶登樓，送行客芙蓉未老，江雨寒入吳。辛漸今猶昔，蘇臺柳色天下無。君才咳唾隨風珠，吳姬壓酒歌吳歎。新詩脫口傳通衢，陶彭澤賀鑑湖。謂雲江中丞爲國善藕耕方伯保千金軀，故人車笠倘見憶，相思爲我傳區區。

贈邵香伯

梅臣

吾鄉山水天下奇，運筆乃與羈人宜。邵君作畫本餘事，卽此技已通天倪。非工非寫出新樣，忽指忽筆忘恒谿。

解衣磅礴墨亂灑稱紙長短成嵐漪亂柴皴間大米點
烟雲襍沓亭傾欹興酣頃刻數十紙淡墨題出神來詩
見者不用閱印欵捫紙便識君所爲平生自賞有別藝
敗荷亂颭秋風池偶翻墨斗作破蓋一葉已盡扇半規
匆匆作書不暇草乃用草法爲花枝俗眼頗嫌緇澹素
君方操管欣淋漓我聞畫家守六法豆人寸馬爭毫釐
獨君寫意不寫貌貌所未肖神肖之荒山野水破荷葉
夏商盤鼎周尊彝齊竿雖工好者少勸君且學東家施
寫生試歛倔強筆略施阶尺輕塗脂片紙一出價十倍
倪黃河必真迂癡

過洞庭

混茫元氣襲襟裾萬頃烟濤接太虛
舟重快如衝陣馬浪高疑有負山魚
客中歲月牢愁裏眼底風波落拓餘
自笑謀生何太拙一竿徒羨洞庭漁

雨中登岳陽樓

欲澆湖水洗春愁冒雨重登古郡樓
來去行蹤隨社燕浮沈生計問沙鷗
幸無憂樂勞民望可有神仙爲我畱
貪看君山凌絕頂天風吹浪溼征裘

卧龍岡

戢戢銅雀臺片瓦埋黃土美人香已銷
英雄淚如雨游

人弔夕陽草廬獨千古三分鼎莫支八陣圖誰補至今
樵牧兒尙解歌梁甫想見抱膝時吐氣成龍虎我欲取
囊琴彈出躬耕譜

題了髻山圖

有仙之山不在高矧茲靈境何岩薨倘鸞藤杖凌絕頂
舉手便可捫眉霄了頭姣好綰鬢髻凝眸佇立裁雲翹
頭垢思從玉女洗背癢欲倩麻姑搔偶從尺幅見面目
尙欲移住山之椒況君斗室具聖蹟肌膚綽約垂雙髻
楚客能爲神女賦越人解作天姥謠吾鄉君山在咫尺
明湖二鏡圍周遭金支翠旗見髣髴亦有螺髻相招邀

且持杯琰問身世石言豈是人興妖

題李青厓居士髑髏談經畫梅歸帆四圖

髑髏本非我偶爲我所寄談經太饒舌畫梅亦多事既
無色香聲何有眼耳鼻禪心如死灰那用識文字飽張
歸去帆天龍任遊戲埽盡圖中花請證無生義

王香杜夫子集同人爲三閩大夫作生日卽次元
韻

晚蘭猶賸舊時春弔古情同孰主賓絳老年休疑甲子
黃生降亦是庚寅余亦以庚寅日生無才敢作投詩客有酒權
爲獨醉人此會果能成土俗不須還賽紫姑神

前題代作二首

芳草千秋不忍春王郎輒吉聚佳賓荒祠有日斜庚子

城西有屈子祠初度無期借甲寅降屈之庚寅未知何

與賈太傅合祀甲寅日今以孟飢十四日於嶽麓風雅已歸將去客時香杜先生將東歸主持猶待後來人

年年湘浦開吟社莫讓羅池作粵神

綠酒新嘗介古春開筵恰趁雁來賓騷壇建幟雄諸子

謀社詹期祝協寅幟楫同爲湘上客招魂誰繼郢中人

多君製就懷沙曲留與迎神更送神

題朱南溟鵬近集

少陵以詩瘦君雖不瘦詩亦工聖俞以詩窮君詩既工

當益窮衆人之窮分所得君才不與人人同隸倣漢碑
異刻驚篆摹秦印非雕蟲書記無慚琳瑯敵刑名復奏
申韓功有此一藝足餬口况君奄有兼精通自謂挾此
走四海定能倒屣驚王公橐筆亦嘗去故里桂林西更
珠江東往返三年竟不遇徒教嶺海填心胸賈傅井邊
秋草碧定王臺畔春花紅儼屋一椽歲三徙無家孰念
歸來馮靖節五男徒識字昌黎一婦仍啼豐君窮更比
衆人甚搔首欲問天夢夢勸君從此焚筆硯有詩莫作
裝瘡蠹稻梁豈是鳳凰志求飽但學嗷嗷鴻賣文鬻字
亦可作生活擇栖何必高岡桐吁嗟乎擇栖何必高岡

桐

陳雨峯鎮軍以楊誠村通侯蒲團小照索題卽用

侯作自叙詩元韻

是詩入聲十七韻惟覺物點洽四韻未用餘皆泛及古無

此体以元作係塞上所成不能以書生音律泥論也

儒生不知兵頗挾干時策五溪陳將軍問訊東頗折寄

我楊侯圖鬚眉照方冊命紀凌煙功愧乏凌雲筆荒荒

夜郎酋自忘回部窄

聖澤徧遐陬犬羊肆猖獗部

落多蜂屯煽逆憑寸舌狂揚沙漠沙險恃雪山雪赫然

揮

天戈六師整行列惟侯名且勇一軍搗其穴窮

追二千里原燎隨手滅入戰建巍功劃若雷鞭掣迴看

所佩刀寒鏃了未缺長纓繫逆項奇計秘莫泄禽草就
難獮蟲沙歸浩劫累俘獻闕廷絕塞瞻雲日列爵冠
通侯金印螭文結銘比鐵券堅永爲朝柱石海宇慶
澄清從此弭盜賊功成侯不居謂非臣之力方略稟

聖謨拜

恩手加額作詩敘平生三省擁麾節所

至皆嚴疆軍政資施設更爲善後篇安邊靖餘孽偉哉
蓋代勛天章能手扶侯乃忘其勞退據頭陀席小影坐
趺跏龍虎隨指畫我欲荷戈從投筆芾未赤前年過武
陵曾謁熊羆室授我方輿編讀史十遺七其時英儷亡
述行文妥帖屬我輓以詩長言累數百此後侯西征我

乃困鄉籍音問不常通謬愛憶加膝昔聞蔡州平成功
在元夕今聞雪戰功除夕馳凱檄率土回陽春中外忘
秦粵班師旋固原鞍馬勞永息士卒樂生還傷扶死歸
歟 郊勞秦饒歌軍樂肄三闋桓桓陳將軍防苗鎮邊
堞陣法仰師承寒梅護新月鍊成一旅兵蛇鳥倏出沒
倘使佐西師舉旗定可必自撫髀肉生益慕褒鄂勩只
牘集垂青祝侯增百祿文武憲萬邦階定超軍督紛紛
名利場執鞭互相役侯獨悟前身功成還面壁偶現一
指禪遂爲萬人敵知足化驕矜蒲團勝旄戟 皇朝
重勛臣繪像表奇捷紫光高巍巍 賜贊輝煌勒似

茲萬里侯豈僅百夫特鑄合用黃金留以鎮戎狄侯聞
寵若驚疏謝還自責一腔忠孝心盡向毫端攝我聞衛
霍功所向期必克不恤邊釁開務在多殺擊侯能體

聖謨叛誅降罔襲防邊勝育嬰寸步虞蹉跌欲使遠
方氓安居同時腋卽此仁厚心定造無量福湯湯黔水
清延 賞宜世爵將軍命題圖請以此爲說試爲達
軍門定與侯意合不爾功雖高何異厮養卒請看跋扈
徒封侯猶未足吁嗟戰功成嗷嗷萬鬼哭念彼塞上魂
夜睡難安褥道成還我相千古惟侯獨將軍其勉旃繼
此成巨幅

謝佩禾

塾

青山別墅圖

邦江明月猶在乎青山不與流光徂平生走遍西北隅
此邦未到徒區區天下青山何處無謝公有宅山不孤
瓊花落盡蕪城蕪一墩千古名江都誰其繼者騷之徒
塵柄不玉衣仍烏述德乃作茲山圖茲山能起蒼生痛
緒餘亦可操吟觚宣城有句傳三吳謫仙尙爾低狂顙
挾此家學游江湖信足所蹈皆通途胡爲尺幅雲模糊
青青無恙春可沾湘江烟雨啼鷓鴣催歸急償游山逋

馬秋耘

維藩

屬作余媼壽詩

歷史列女傳多紀貞烈節旣非家之福豈足光閭閥道

以常爲難女惟淑乃哲四德無奇行平安到老耄無非
更無儀在室貴有別教子慈而嚴治家和且悅入門若
無人中饋出精潔由內以及外無一可指說似此鄉之
媛卽是閨中傑厚福非幸邀眉壽能自決湖湘多壺賢
此媼超其列問年介周甲步健食不噎徵詩馬季常屬
我歌緜颺平生恥貢諛祝遐期真切賦此補楚風輶軒
堪采挈吾鄉賢婦人請學桓孟拙

題鄧湘皋學博詩集用寄余南陽韻

半生周覽厭塵喧尙喜青氈舊物存口衆未爲名士累
才高方覺冷官尊光陰盡入新詩本風雨常過敝席門

三
愧我一軍難自張中原鍵弭敢同論

題湘阜聽雨山房圖

不須詩裏更傷別難得客中還對牀

此十年前隨先兄
花軒客辰陽句

昔年稿有酬兄句今日山無聽雨房
加飯如君情兩重
展圖添我淚千行
歸耕趁此春田水
莫使南村耦具荒

李海旣太守

宋傳

海上釣鼃圖

吾聞蟠溪之釣顯其身富春之釣隱其身
淮陰之釣殺其身惟有海上釣鼃客
三者擬之皆非倫有淮陰之智而不疏
於自衛有富春之節而不溺於沈淪
太公雖張三千六百釣七十有九猶是蟠溪民
何如海客致身早

顛毛未白屈通津卅載扁舟泛宦海烟波萬頃清且淪
長竿遠拂珊瑚樹芳餌高垂翡翠綸却却浮名釣寶譽
巨鼃可共池魚馴力吞溟渤攝海若氣吸蓬島揚沙塵
問客何爲能若此不釣以手釣以神任公子謫仙人上
下千古誰主賓他日持竿返初服老頭皮戴華陽巾韓
子曰有怪物焉在天池之濱其品類備匹大異乎凡介
與常鱗其是鼃之謂乎客笑曰余亦不知其孰爲鼃而
孰爲我又安辨乎所釣之假真

瞿心谷

轉裕

湘江望雲圖

君謫詩歌陟屺三年留滯湘江水屢從楚尾望吳頭

觀舍蓬蓬白雲起要我爲作望雲詩肯以映詞喻君指
男兒自負昂藏軀何事飢驅走千里親腹雖飽食未甘
游子望雲親望子旣無遠志又難歸畫荻初心不如此
我因親老嘗不游究難閉戶營甘苗三日一歸辦米鹽
何暇躬親到修隴扶持搔癢託婦人不游乃與游等耳
昔時偶過野人廬老媪曝背茆檐裏有子力田婦灌園
其母顧之顏色喜方知我輩擇術疏莽莽天涯索知己
石田十耕九不秋徒使門閭勞徒倚安得同營五畝居
與君移家作鄰里白雲在天親在堂躬耕養志從此始

宗蒙莊

定齋

垂老讀書圖

讀書老已遲不老不能讀將老未老間天理人事熟取
書印證之如行得歸宿始知少壯時萬卷皆枵腹吾宗
蒙莊翁操管佐岳牧學雖治申韓形不勞案牘須知律
與經彼綱此其目須知律與史彼輪此其輻厥理同根
條其味勝梁肉況於輔政餘拜陳庚子肅晨夕手一編
不覺顛毛禿用以治官書一一吐所蓄既能澤蒼生亦
可華吾族豈學老頭巾一案埋頭伏偶當廣座中未語
先瑟縮讀書期有用飢寒資布菽讀書貴釋要舟車倚
柁轂我年少於君風塵徒僕僕少年所讀書十已遺七
六安得拓吾廬補向斯圖築更讀十年書與君相角逐

或者張一軍尙可霸南服君其進教之清風動修竹

書呂麗堂太守

恩湛

射虎事

胸陽太守仁且武柔亦不茹剛不吐何物耽耽敢予侮
負嵎乃有蠻山虎齒牙如鋸眼如炬黑月深林憑險阻
腥風颯颯毛髮豎僂鬼呬嚙學人語攫取孱氓當肥瘠
血肉狼籍濺邨土太守聞之赫然怒糾集丁壯成部伍
疾馳快馬挾勁弩紛紛毒矢下如雨一矢殺虎如殺鼠
狂吼聲猶撼林樹前有李廣後周處不若太守勇可賈
民害旣除傷者捐頸使荒郊成壽宇獵罷歸來日卓午
不羨龔黃與召杜請以鋤強爲治譜

題吳梅梁觀察傑傳硯圖

農不數世耕石田偶獲終無贏書不數世讀腹笥雖豐
難免俗梅梁觀察今通才溯源本自龍門來片石傳家
已三世此硯何異王家槐當其先世得硯日判牘雲中
本經術父傳之子子傳孫出處雖殊用則一掄才西蜀
公且明硯今卽是衡文衡草疏南臺表唐哲硯今卽是
鐵冠鐵卽今捧硯來湖湘良田所到秋豐穰國儲旣
裕祿養遂遺思祖澤存青箱硯端要我銘其事敢以諛
詞潤公志祝公更舉丈夫子一綫書香傳百世

先生有湖南時年近五十而無子是卷題者數十人
竟無一人及傳諸後裔語得余詩大喜明年陳臬西

川學舉二子甲午內遷少司寇以此卷重裝置余詩
冠首及春闈謁見深謝前詩若老蚌生珠皆謀祝所
致并云是年家植紫牡丹有一莖雙莠者別竊一圖
未敢索他人題句留俟大筆開卷余題二詩歸之云
官燦聲名第一流天香濃染紫貂裘雙苞不比尋常
瑞富貴文章到白頭一尊春酒泛流霞玉筍駢生長
者家我欲更題傳硯冊墨香醖出古祥花共時天
眷優隆大用在卽惟神氣稍減余竊慮其不壽故有
白頭之祝及余歸未幾訃音果至則前後皆詩讖也
猶憶先生於裕餘山方伯今宮保前嘗有國士之目
並枉顧微廬諄諄以不朽見託今老守一壚著述未
就追感邦已徒呼負負矣道光丁未祭竈日驥補記

蔣再山少尹 成 閉門種菜圖

吾家半畝園寄居依市閭飢驅走四方有菜不能種近
且斂游踪欲抱畦丁甕究難掩雙扉出謀菽水供在家
如作客曳裾厭迎送菜甲就荒蕪孤負經霜蕤羨彼蔣

徑閒不許蓬蒿封自荷種花鋤剔開明月縫春韭與秋
菘隨地補其空或謂君官居八口資薄俸安得暫閉門
灌園耦儕衆不知仕宦場一覺春夢夢內食思素餐門
高憂橈棟何若菜根香無用乃大用君且肩重關長鑱
手摩挲俟吾養有餘築圃與君共

周蘇門大令

向青

焚香省過圖

人生一世間速如駒逐影百憂縈其心誰知過當省亦
有香欲焚但爲私是請旣無功可貪還以過自逞似此
拔足難安望迴頭猛周君浙水英作宰鄰古郢刑無案
贖勞日以垂簾永本無過可規乃有香欲秉一縷達蒼

穹萬念皆恬境善哉省過方可爲聾瞶警吾聞古聖賢
有過不爲青省心無若虛省過莫如靜存亡判幾希得
失爭俄頃過微防勿疎蟻涇齊穹嶺過少政勿遲穎稗
亂嘉穎此中本湛然衆汲成省井善念方萌芽屢摘成
髡梗致使美麗姿而有瘡在頸致使善歌喉而以寸骨
鯁金鐘儲力撞鐵棒當頭打務使方寸中精如金出礦
走也生湖湘賦性最頑獷夙慕青雲姿萍水無由併願
乞一瓣香緣結三生幸願使叢過身稍稍得修整大中
至正途與君共馳騁寓詩布區區高明其勿屏

題胡曲江縣尹滌香續亭用陳恪勤公朱亭韻

岸石爛如霞江流漾白沙知君能訪古到處卽成家四面市聲遠一亭花影斜及時須盡醉寒律又飛葭

前題用張南麓先生吹香亭韻

莽莽乾坤剩此亭幾時風雨許重經吹香且喜君能續

亭在朱亭卽吹香亭舊址

把酒還招客暫停曲繞湘流當檻碧遙分

綠色入簾青興來便欲隨漁父懶向人前說獨醒

爲予小邨題湯小嶠護畫石卽送其北歸

米家一品洞天石寫向溪藤纔數尺輪囷疑是枯樹根莽蕩猶留太湖色不將叢竹掩腰趺那許幽蘭分潤澤
徘徊何嫌世俗驚孤高豈入尋常格湯君畫石石欲飛

瀟毫亂灑松烟墨要將鐵骨寄相思一拳持贈將行客
客歸清供有仇池定勝東坡袖中得

飲酒讀騷為徐紉裳綺作

秦關巴峽又西冷萬里尋詩酒未醒垂老不知游興倦
更從漁父讀離經

十二齡童子從軍圖為周文泉大令樂清作四首

知君齟齬即英雄上馬能彎百石弓此日錦江諸父老

舉帷猶識舊將軍文泉尊人以麻陽令死苗難今
文泉又以道州判陞授是也

先澤尊邀鳳詔懷書生餘事習戎韜於今點檢之官

篋尚有當年小戰袍乾隆乙卯詔死節知縣周某某
子隨營効力時文泉纔十二歲

百里專城未肯閒幾審磨沈佩刀疲暑齡用贍籌邊策
盡入棠陰慰茭聞

真使他年髀肉生催科自負腹中兵 朝廷正盼西師

提試向軍門更請纓

時同部
跳梁

惜字詩爲周思矩作

讀書不識字萬卷皆無益讀書不惜字一丁已枉識惜
字當窮源六經昭簡策一言背聖賢過已累千百好讀
非聖書卽爲德之賊吁嗟惜字人慎保此目力吾儒貴
立言操觚戒邪辟一字不當書終身愧逢掖吁嗟惜字
人慎愛此手迹至於故紙堆無端任徇藉投廁棄溝塗

囊器拭几席雖非讀書人當亦畏冥謫庸愚或有之豈
爲賢者責或云惜字功便是大陰德有神寶相之科名
堪倖弋是非通人言所見在咫尺讀書如力田文字卽
穀麥農夫惜顆粒豈是求福澤聖賢不我待所託在楮
墨字乃學根苗廢紙所當惜窮通有分定六經須羽翼
作此惜字詩請解高明惑

題譚醒漁從戎詩草

時盛制軍平錦田
儒醒漁在其幕下

從戎賺得好詩歸草檄軍門墨欲飛喜殺錦田了髻女
競拈新句繡弓衣

爲王二樵

獻

題吳甄拓本

甄二一有寶鼎三年歲
在六字一有吳興東週

孝子潘璉
造九字

建業離宮盪夕烟麒麟高家久爲田
辭花蝕透蒼山骨

尙有甄書寶鼎年

崇黨曾爲楚世卿

潘氏之先見春秋傳者曰崇曰危曰黨皆楚臣

東遷姓字記

荒塋一家眷屬都堪契那許儒南獨擅名

張芭堂金石契有潘儒南

甄亦孫吳時物

又題其墓甄集冊

拓本近百紙皆吳至晉墓甄文

鬼雨蕭蕭夜打門道場山下白楊村玉魚金碗尋常見

螭篆螺文隱約存芳草慣侵名士冢落花長戀美人魂

寫碑巨獸知何在斷甃猶堪細討論

圭長物齋詩略

卷四

末

湘臯學博假城西松竹園爲哲兄雲渠作生日

偕得城西半畝陰竹苞松茂弟兄心秋濤謾謾添虛籟
野日疏疏助遠吟入座酒同金谷滿介眉情比玉潭深
三竿五粒知誰植從此名園屬鄧林

題葉春塘詩集

濃薰香屑讀新詩翻恨平生見面遲覓句但知驢背好
論交不棄虎頭癡北游豈少逢迎侶南海偏多絕妙詞
從此披圖如聚處一番相對一相思

三長物齋詩略卷四終

三長物齋詩略卷五

寧鄉黃本驥仲良著

題桐城女史方維儀清芬閣遺墨

松筠節操自千古翰墨家聲傳一時垂老閨情殘楮在

半生禪性短琴知舊名不滅邢慈淨慈淨爲邵太僕伺

暨學能開方密之密之名以智桐城進士工書畫立本

清芬堪並壽立本堂詩桐城方氏三世集待誰重選玉

臺詩沈歸愚尚書選明詩別裁清芬閣集存詩數首

屈賈祠

一祠風雨傍湘城弔古猶傳屈賈名被放但容天可問

投書莫恨水無情千秋史爲同遷合兩代才因衆忌成
芳草不隨人共去至今還向井邊生

麓山四詠同吳樸園

彌光作

千古文章祖荒碑卽禹謨形模開縮鼓點畫接羲圖但
覺傳摹古翻嫌釋解迂名山藏至寶七十七明珠

禹碑

斯人久不見正有餘馨賦服真同調懷沙恥獨醒魂
難招逝水騷可補忠經澤畔行吟處遺音未忍聽

屈子祠

遷客偶留宿斯臺傳至今如何蕭寺衲反識逐臣心列

炬蒼皇渡投林感慨深隔江見漁父猶似昔人臨

道鄉臺

仙鶴去不返泉流清復清本無出山志聊作在陰鳴偶

爾煮佳茗翛然忘世情此中有真味一啜道心生

白鶴泉

游麓山用杜工部岳麓道林二寺行韻

平生游歷志趣殊攬勝何嫌途路紆道林遺址委榛莽
麓山名蹟傳江湖豈必羅浮馭仙蝶無須廬阜覩香鑪
禹碑文字太古璧宋儒壇坵明堂珠抱黃洞逐泉脈轉
赫曦臺與松陰俱憑高可喚南來鶴望遠能留西墜烏
天下名山隨處有眼前好景他鄉無少年買勇欣獨上
此日履險需人扶屈原難免子蘭逐李邕莫避林甫誅
遺廟巋然蹟甚古豐碑屹若名猶映人生貴適麋鹿性
我輩何恤牛馬呼顧此千尋倔強石肯負七尺昂藏軀

朗吟杜老舊詩句笑展吳生新畫圖勝地頻來境屢易
斯游得侶興不孤隔江城市望歷歷歸途興從歌于于
山靈送客客迴顧雲端拱立古丈夫

送樸園歸嶺南卽次留別詩韻

湘流曲繞碧湘門過客頻招屈子魂勝會易隨花片散
游蹤難向夢痕捫歸裝檢點詩千首別緒殷勤酒一尊
記取荔枝新熟候結家歡聚絳雲村

溪樓延月爲筵虛白作

樓爲厲太鴻假寓納姬之所

假館人歸百二秋主人猶似舊風流當頭一片團團月
曾照紅妝倚翠樓

題陳子言元富把書獨立圖

湖海陳元龍談詩真健者入門四坐驚笑聲滿堂厦莊
語雜以諧一一歸典雅大音聲正希自信知者寡人情
秋雲空世事春夢假一葉墜西風攬之不盈把何若亡
是公遊於廣漠野把卷立蒼茫萬象歸陶冶雖無濟世
才自悅亦聊且尊中酒不空案上燭頻燃何恤雪盈顛
莫使塵沒隙窓前曙鳥啼一聲春去也行樂須及時共
結柴桑社

朗江洗馬歌爲陳雨峯將軍階平作

朗江秋水清潏潏旌旗照耀秋江濱將軍臨流洗戰馬

呼出萬騎皆騏驎就中一馬最神駿蘭筋鐵骨驚秦歌
官溪掬水濯毛氂渥洼頓使奔蹏馴武陵城外環觀者
競說將軍能馭馬將軍馭馬如馭兵要將虓健歸儒雅
九年坐鎮武漢深春秋犢犂安榆社芻香豆熟廐羣肥
不許驂騑甘櫪下去年偶調部曲兵勁旅所向無堅城
功成歸鎮馬不馱細柳真是將軍營桂林古塞楚門戶
節麾擢領邀新榮老驥羣嘶壯士奮去思永勒征
南名我聞將軍善爲陣匹馬當前山岳峻五花幻出風
雲奇百隊飛來鵬鷃迅將軍自是人中英此馬更爲羣
內儔自顧當年矢石瘞一經洗刷精神振卽今攬轡往

朝 天軟紅塵土揚先鞭庭巖晰晰方傳宣會須虎
頭握管龍眠拂素貌爾權奇做儻之質綠粦紫焰之文
傳三邊

蔣伯生太翁

因培

家黃桂忽開丹華紀異二首

桂香清處蔣侯家三徑能開四照花何物秋風太狡獪
半林黃雪換蘋霞

駐顏還少此堪占異事能驚月裏蟾料得淮南沈醉後
酒痕飛上玉犀尖

送吳荷屋中丞

榮光

內遷用留別詩韻奉祖四首

宦輪歷遍幾山旬入侍依然未羣身欲訪泊安 前席

三
待肯教抱負遠方湮浮雲事業多陳迹皓月襟懷絕點
塵所在棠陰留憇菱湖湘占得五年春

長途鄉月一輪高倬直承明勝擁旄坐列朝班神自遠

案無官牘夢忘勞安輿待漏晨趨闕老眼觀書夜燕

膏洛譜宗盟重聚處程春海吳梅梁二學士皆於驥有國士之目應憐棲羽

尙寒號

他年征雁過衡陽定有書來杜甫堂洛下新傳耆社富

嶺南又見曲江張時平未覺經生貴局勝方知國手良

料得春明多暇日一窗晴雪寫金剛公嘗手書金剛金數十本

驪駒聽唱道旁歌無計攀留奈若何寸管未能窺閭奧

長竿從此釣煙波趨陪歲月緣非淺考訂圖書得已多

社燕仍歸舊日壘呢喃猶話舊陽和驥以辛卯秋自祁餘山中丞幕下移

補公嶠今中丞適代公燕焚嶠仍客其幕下

題盧厚山制府坤六十小相

海內何人不識韓名成猶是舊儒冠欲摹副本藏衡嶽

留作他年憩芟觀

蔣伯生太翁因培令泰安時於岱頂玉女池搽得

秦碑十字作訪碑圖索題二首

岱頂碑爲劫燒燬天教玉女護璵璠成功盛德都刪卻

祇許臣斯十字存碑在明季尙存始皇帝成功盛德等二十四字國初燬於火今存臣斯

等十
字

拂袖歸來少宿儲
名山風雨慰居諸
囊中祗有殘文字
半是先秦未火書

題姚味琴
抱琴圖

此詞亦何淡能傳太古心
箇中尋至味絃外索知音
竹屋露痕白
萌芽堂秋氣深
有人方獨坐
流響意愔愔

將之黔陽次凌荻舟
玉垣
贈別韻三首卽送其拔

萃北行

輕舟遠言邁
凌晨發江潯
餞送多故舊
君情高且深
訂交匪旦夕
浩歌懷古今
和風吹雅抱
旭日明沖襟
聚散

等萍梗境過殊難尋偶別不足道夙契何能任所業在
遠大相期以素心

世惟鍾期耳能知伯牙絃人皆鑒混沌君倪和以天鎔
經獨壽偉纂言必鉤元濡毫發新論妙義生陳編良駟
過峻隨萬騎不敢先豈惟挾高第實可躋前賢毋使分
寸陰虛易剋與茲久要愧齒長敢向臨歧宣

後會未可期人事逾奔電安知遠別離不復重歡讌我
去五溪西藉盤聊自薦君留踏槐黃炳文占虎變來年
春色深長安富才彥珊瑚網羅羣珍金錢推首選引領望
好音南鴈應多便別緒紛如絲江流激如箭落日銜遠

山此心增戀戀

題荻舟御芬館詩集

少作已如此定爭千古奇性情言外見甘苦箇中知偶
爾一言出爾人十日思湘騷誰繼響之子實吾師

題路華甫時春秦淮水榭圖

花裏朱樓柳外臺六朝金粉總塵埃多情祇有秦淮月
千里思君夜夜來

題龍翰臣啟瑞浣月詩草卽送其計偕北上

多君綺歲悟前身腕底生來不染塵更有十年真實學
定爲一代偉奇人香薰芷澤趨庭日壽兆瓊林報捷辰

寄諸長安諸老宿桂枝同賞郤家春

翰臣計偕北上以三詩留別次韻奉祖

落落天壤間作者幾大雅行三必有師得一不爲寡吾
鄉多客才屈傳附以賈越茲數千年騷壇誰健者君於
唐詩人不在江寧下

王少伯會尉此邑

龍標古僻邑一館於茲

假偶爾唱新篇頓使羣音啞摘艷登蓉樓幽懷寓陶寫
干莫抱利器鋒芒逼歐冶道左偶相逢謂驥非凡馬
良馭貴有德立仗必在朝豈甘鹽車老伏櫪鳴蕭蕭君
才何敢匹逸氣凌層霄化龍非尺水栖鳳無弱條佇看
挽強手疊中霜空雕始知桂林桂不隨羣卉彫似此英

妙選所見殊寥寥壯哉千里志發軔從今朝征途多楊柳依依間桃夭折枝以相贈喻取榮名標

交游遍四海幾人能知心與君三月聚契誼聯苔岑但覺馬齒長不知駒隙駿臨歧遽起舞別緒何能任從此嗟獨處息機師漢陰揮絃彈古調文幾支素琴余有琴輒拓本君嘗見索官比鄭虔冷情同汪倫深猥以巴里曲和此陽春吟衣錦倘再至楚然聞足音

題邱湘漁

開來

揖山堂遺稿

恨翁不我見我來翁已亡相距僅半載宛如隔滄桑文孫抱遺著珍重逾球琅示我揖山稿讀竟神飛揚布帛

被凍體菽粟充飢腸所言有至理不爲雕琢傷憶我初
到日照眼書煒煌聖經百五字高揭明倫堂屏門大學
一章係翁
書楷法效顏柳餘子誰頡頏想見落筆時意趣何軒昂
溫公家人卦刻在錢塘南軒問政章刻在臨桂此書堪鼎峙經笥
騰奇光胡不壽之石椎拓遍四方詩書一藝耳未足窺
翁藏烟溪有遺宅山水高且長招翁翁不至古木森蒼
蒼

題胡雪門大令

禮儀

讀書問鶴圖

數載浮湘繫遠思芷香清處續騷詞欲將趙抃撫琴意
寫向陶潛采菊時政劇尙留書可讀心閒惟有鶴能知

平泉草木都無恙試就胎仙一問之

其先人文良公宅在光山

雪門大令以詩見贈疊前韻答之

四載風塵憶紫芝相逢猶似入官時
浮湘幾度人情熟種芷頻年土俗宜
始信絃歌能學道謬云商賜可言詩
荒齋幸與花封近欲乞餘光朗照之

雪門大令以縣試示士子詩二首索和

校士能裁簡與狂朗懸冰鑑照琴堂
馬歸錦仗皆麟隊鳥入雲羅盡鳳皇
芷澤騷辭誰繼屈蘭亭觴詠共推王
名場發軔從茲始勉爾鵬程萬里翔

焚香伺鶴更調琴仙吏仍披學者襟
三善遍傳多士口

四知無愧獨眠衾
羨君綵服歡如許
時太翁迎養在署
顧我青

羶冷莫禁安得談
經陪末座一牕燈
火慰初心

吳南林懋五十初度次雪門大令韻二首

樂夫天命復奚疑
五十猶爲未老時
生計一尊常滿酒
名心半局盡輸棋
雕龍有技如君少
畫虎無成笑我癡
最羨紅蓮依淥水
相親相愛更相規

戴笠重逢太瘦生
十年深悔別離輕
賣文莫說難求富
折福多因早得名
甘苦共嘗妻不怨
詩書自課子能成

如何煮茗言歡日
未許分携矮脚鐙
次日招飲始知壽辰

題南林湘水重游集卽用題拙集韻

萍蓬蹤迹兩心驚
集自重游始記名
客况竟同叢菊瘦
吟懷無那老梅橫
別來我已成班白
卷裏人多隔死生
十載光陰容易過
難爲異日再逢情

同倪紫封

光誥

訪唐東溪

可久

宜園用壁間吳南

林韻

迂倪原是老書生
爲說幽居愛晚晴
逐熱趨公知我懶
時以童結廬近市
羨君精吳均壁上
重題句
南林凡再
試來郡
賈誼祠前舊識情
廿載前曾晤東溪
於長沙賈太傅祠
萬事皆宜園偶寄
既非招隱豈逃名

東溪和詩招飲疊前韻答之

修到蕭閒定幾生園宜風月更宜晴劇知蘭玉栽培茂
豈獨池亭結構精掃徑開尊花解語多巢近客鳥多情
飲醇興勝山陰禊選石留題浪記名

將歸黔陽南林用宜園韻作詩贈別情餘於詞賦

此志慨

海內何常乏友生百年幾度話陰晴毛錐半爲飢寒禿
心鏡難從邂逅精談及故交皆過客謂春岩觀察香杜
夫子及病鶴蓉裳
名諸悔教疇昔太多情於今借得卑官隱莫向人前說賤

東溪以盆梅見惠次前韻志謝

奔走風塵已半生吟梅多負雪時晴新開學圃三間小

今春於署後築屋數楹顏曰學圃

分得宜園一樹精酒暈留君培艷意

釵痕觸我惜香情

前室陳梅仙善篆書今題其遺跡曰梅影釵痕

攜歸好伴孤

山鶴未許通翁獨擅名

歸黔後東溪以前韻寄懷次韻報之

歸來又見魄哉生此日秋陽勝夏晴每到熱時思廈廣

却從閒處見君精多緣芷澤留新詠添得蓉樓憶舊情

且喜投桃成永好敢將題葉博詩名

歸時東溪以盆桃見贈來時有新添

桃葉之戲故答之

龍見田大令

光甸

重修芙蓉樓落成四首

天寶經今歷幾年詩人已去蹟猶傳漫將勝地誇京口

唐潤州芙蓉樓本在今鎮江府城上王少伯丞江寧重

時送辛漸於此後人以少伯會尉龍標建樓存蹟

見高樓鎮楚邊寒雨有情江自遠青山無恙月長圓伯

龍標野宴詩云莫道絃歌我來又在斯人後依舊芙蓉

愁遠謫青山明月不曾空蘇晚烟

喬讀南豐紀事詩曾石友刺史宰黟陽時風流想見鳥

飛時新櫺古豔開吟社細寫騷情續楚辭驚瓦易隨秋

葉落蝸紋旋傍短垣滋曼卿久作蓉城主刺史卒於郴州任今八年

矣感舊徒添過客思

此日觀風仰伯高摻羅往蹟育時髦欲成才士千秋業

更助邦人百尺豪傑構直教花作鏡壯懷留待客題
公餘文酒多蕭暇未許形緣案牘勞

十五年前此地過

道光五年信宿
黥署會登此樓

重來歲月等拋梭未

容彩筆題金闕仍看紅藥映綠波官冷幸留詩卷在興
酣不覺墨痕多從今日日招仙尉共倚危闌一放歌

次芙蓉女史題壁詩韻

女史不知何所人隨宦京師許婚故里未嫁而
孀其兄送歸孀家遂投繯而死蓋天下傷心人
也是作乃其自題於逆旅中者龍翰臣跋見
而錄之作敬徵和原詩云四千里路還家日廿
一年華絕命時入戶羞稱新媳婦懸梁誰惜女
孩兒身如秋燕都成客死到春歸尚有絲多少
行人應墜淚見
儂題壁數行詩

登車已信生無日題壁先言死有時漫以多才奇女子
須知立志勝男兒天涯鴻爪留荒驛地下蛾眉妬色絲
熱血一腔心萬古數行可抵栢舟詩

芙蓉詩題在山東道上清風落種等店存此一首餘
爲店主聖去詩云四千里路還家日以路程計之自
京師起程由東大道至湖南湘潭衡山二縣界沅陵
辰谿二縣界皆四千里則芙蓉始湖南人也其東道
可通之省浙江江西皆在山東東光驛分路由清
風等店經過河南湖北則不及四千里江蘇安徽福
建兩廣雲貴皆不止四千里山陝甘肅皆
不由東道以路程計之芙蓉殆湖南人也

重九日見田明府招集芙蓉樓登高次韻四首

佳節成良會登高感慨深壺清冰益朗樓敞月常臨桂
馥林來粵棠甘蔭滿黔昔人如可作千古訂知心

記得前時事看山上酒樓自予來潯水有客滯潭州道五年重九日集同人爲雲陽樓看山之會時健在者有闕雲山邵香伯尙客長沙風雨年年節關河處處秋坐中書畫手仍似舊名流

仙尉留遺詠才高未易攀宦情餘白露鄉思自青山掃葉迹猶古乞詩人不變至今憑弔處晷定飛還

舊客迎新客今吾卽故吾醉鄉陪末座詩境勝方壺秀櫨沅江芷頽祛鄭澤荷但能逢勝日朋輩任招呼

王柳州

先春

過訪以四律見贈次韻奉答

翩然游屐過江干一笑相逢勝舊歡枉道昔勞停雪棹君戊子冬過長沙承見訪未遇尋蹤今喜顧烟巒天涯莽莽萍難合眼

底忽忽璞幸完簫鐵聲沈唐勒老見君當作故人看
十年前於唐竹谷處見余詩文聞譚鐵簫太守道及賤名今太守久歸道山竹谷亦窮且老矣

龍標風韻本翛然投我瓊琚索報箋自分姓名終冷落
何期文字有因緣客鄉易老憐雙鬢故里無家隱一壇
翦燭狂談還翦韭欲留行李度殘年

四海論交孰主賓暫時相遇且相親迴頭往事皆陳迹
屈指同儕賸幾人話到舊游休厭瑣詩多新得莫嫌頻
芙蓉樓畔留高唱不負蒼茫獨立身

平生結習未全拋官冷差同洗耳巢老米乞來腰不折
新書借到手親鈔約君且泊烟波舫與我同尋水石幽

趁此歲寒無別事携將明月挂松梢

贈譙芸帆

瑤

卽題其集四首

荒齋幾日肯淹留下筆能教峽倒流坦率絕無名士氣
真誠直與古人儔常因訪友勤攜履不爲看山懶上樓
如此襟懷承見顧一毡何幸隱鄰州

十載相知一會遲

十年前曾見君於李彝卿座中

幾回貽我袖中詩每

從慷慨高歌處想見蒼茫獨詠時
莽莽風塵慙馬齒悠悠世俗妬蛾眉
君才落拓余休矣更有何人共賞奇

趺然常盼足音來空谷權將蔣徑開
腕底雲山康節趣

腹中草檠子安才

時香伯邵君來主余署柳州王君亦因事留黔過從甚密

不知許

事惟看劍況有高情共舉杯敢效昌黎作師說愧無時
雨漫滋培

行年六十早成翁罔利千名總未工野鶴巢空依冷樹
春蠶絲盡賸枯蟲舊游回首河山外後事關心卷帙中
莫道此行無所得芙蓉明月至今同

九日遊邱氏月沛園次見田明府韻

故里三年別家園徑久荒秋聲驚蟀雁山色憶鷺羊
山在長沙顧有龍標長招遊鳳嶺陽主人真好客不棄老黃
名

絕勝邱遲宅豪家未敢爭人同仙共隱園借月爲名出

谷鳥常白在山泉自清少陵齋已廢園中舊有少陵齋誰與續

詩盟

經營勞哲匹園已就荒明府捐俸倡修傑構復凌雲梓澤思前尉蘭

亭重石軍醉醒題壁字國中醉石醒巖諸額皆前明正璿隱君題憂樂記樓

支縣志有孫光南月沛此會傳高唱清新更不羣園記作於崇禎癸未

兩度逢重九人和景亦和曾將蓉作鏡去年九日遊芙蓉樓徵詩盈帙

人見月凌波地為頻游勝詩因疊韻多酒酣忘宦冷鄉

夢付長歌

豁來堂偶存題詞

偶然覓得釣詩鈎杯酒能澆萬古愁莫謂偶存還偶佚

斯堂主客各千秋

我亦遙生見獵心
幾回快讀幾沈吟
來年儻下宜園榻
定許分題漢上襟

春日過月泚園

濕濛微雨灑芳塵
結侶同遊趁暮春
未許光陰成過客
祇緣知己半行人
匆匆觴政輸金谷
欸欸花枝勝玉津
試聽臨風三弄笛
不堪重見柳條新

送路華甫之醴陵

蓉樓月泚蹟重新
雨笠晴鞭孰主賓
宦況絕同江上柳
蕭疎多半爲行人

題唐東溪竹屋圖

一林修竹閉門居風雨宜園老六如篋裡每多懷舊句
案頭惟有課孫書勤開池館塵心遠懶著衣冠世故疎
只許此君相晤對渭川千畝在庭除

題牡丹畫幅

要將脂粉洗酸寒不畫秋花畫牡丹彩筆染從青玉案
雕蘭擎出紫金盤繁華色相摹神易絢爛文章脫俗難
一瓣天香誰採得更添雙蝶入齊紈

題錫堂郡守

隆恩

牧牛圖

前人羨牧牛皆言牛背穩須知仕宦場卽是安身本牧

民民不勞官顯心愈遠何必深林中笛弄風聲晚我公
達者流家世多繡憶假守未三周春田盡新墾治靜民
俗淳耕深牛力損今聞移岳陽湖水侵堤堰得公肱一
臂積勞成良畹從此歷通途牧熟牛不蹇可笑沅民愚
猶望公速返誰知甯相心偶爲齊牛飯豈甘抱犢眠日
與牛仰偃視茲良牧圖出自名畫苑鞭筆寓仁幪養笠
勝華袞柳陰初日晴降阿還陟嶽嶺作函谷游羞與箕
山遁牧意旣閑閑牛心亦宛宛要將問喘才遍達民勤
懇我欲揚仁風長夏困羈圉試爲扣角吟聊以志繾綣

書絳州呂刺史侍妾張氏殉主事

漫因風雨惜花殘千古芳聲頃刻完頑懦亦知名最好
英雄終覺死爲難但持白璧權衡定始信黃泉道路寬
誰比東萊姬侍節首陽薇與汨羅蘭

閩閩東明府

海林

以詩招飲次韻奉酬

弱經自愧魯諸生官閣容班坐上荆折獄才推于定國
談詩味遍謝宣城簿書堆裏能醫俗苜蓿盤中敢盜名
良夜不須勤秉燭贈言真與月同清

古杉歌次鄧湘皋學博韻

邵陽黑田鋪有枯杉二株鐵立道左南宋陳簡齋與義寓邵時留詩別之題曰古杉蓋千年物也余嘉慶己巳主講濂溪嘗往求其下近編拙著載入湖南方物志寓稿湘皋時湘皋適以院

長主修郡志因作長歌紀事又用其嗣君
仲權韻別作一詩寄余一時和者盈帙

憶昔行蹤憩古驛
道旁雙幹成舊識
別來三十有九年
夢想喬柯撐鐵石
昨編長說志方物
寸草不遺況松柏
錄副馳寄南村翁
更加考訂秋毫析
始知此杉在南宋
蒼髯久耐風霜逼
簡齋遊邵臘葉多
往往青天飛霹靂
訂交雖在野人后
無異雙牙標畫戟
凡物顯晦自有時
今古茫茫渺何極
禹禡不遇韓昌黎
岫嶽雲封幾萬億
藐茲一木細已甚
安望撝羅到詞客
卽今唱和張一軍
爭諫吟壇築堅壁
如讀漢魏古樂章
不負離奇舊風格
我嘗遍歷燕晉秦
到眼虬枝總千尺
華陽商栢縣陽槐

今日迴思等陳迹何如太學留遺陰仰藉

天章壯

聲色魯齋手植纔幾秋終古長爲髦士惜須知樹木卽
樹人木豈徒供人偃息南村學不識前儒講道枌榆更
難得比皋坐擁希濂溪兼以文獻爲己責董狐史筆成
鄉評力與山川斬荆棘搜奇也到梁棟材景仰芳徽護
遺墨要將古柏詠孔明不獨甘棠歌召伯嘉樹能徵楚
育材孫枝定作邦之直詩人往矣迹長留紹前闢後賴
君力愧我曾爲一日師於今桃李少餘澤願君問訊兩
故人倔强猶當似疇昔得毋笑我一瓊寒老大還爭雞
鷺食君家驥子好男兒作詩能觸乃翁癖長篇寄我萬

斛珠倚聲欲繼吟喉塞何當共坐古杉根狂歌不覺桑榆迫

潤東明府點定拙集以詩見贈疊韻志謝

敢向騷壇說繼聲未甘悠忽作經生學荒祗爲貪諧俗
福薄多因浪得名峯岫疊開雲始厚泥沙盡汰水方清
勞君指點歸醇雅志謝何辭禿管城

春鷗秋蟀等閒聲謫入牙絃百感生正悔前遊疎問訊

壬午自晉入秦道過君里何期未見早知名君序拙著有到長沙創聞賤名語論交

漫說人皆薄處世終嫌我獨清試割已能勤淬礪龍泉

原不老豐城君試政龍標數以引退爲志書此廣之

三長物齋詩略卷五終

三長物齋詩略卷五終

三長物齋詩畧 附刻

寧鄉黃本麟仲良著

夏小正試帖

啟蟄 春正月

春風甦百蟄振動啟鴻濛破凍辭壬壑乘陽闢予宮
霆鞭催震灼旭馭趁晴烘穴處泥封坼巢居墜戶通
龍蛇隨地奮魚鳥樂天空雪淨叢巖綠煙深茂苑紅
羽毛從此滿飛躍許誰同煦嫗

阜仁布舍生仰化工

雁北鄉

幾行賓雁過雲路影徘徊曾記西風遶仍看北鄉來
浮踪羈馬在歸夢繞龍堆聲斷衡陽浦魂招朔漠臺
三春沙積迴萬里玉門開塞遠何時到峯高昨夜回
蘆銜霜皜皜爪印雪皚皚約爾傳秋信雖鳴

鳳沼隈

雉震响

見說華蟲响而因玉虎鳴應離先化質出震早揚聲
響激飈飈氣音傳鷺鷥情逐媒春草綠求牡午風清
不畏羅罽密何憂七鬣驚桑陰啼五戌麥隴報三庚
拙笑鳩夫婦儀同雁弟兄

熙朝隆作會翟采耀春明

魚陟負冰

戢戢冰待泮陟負記觀魚玉拭三篙淨銀跳二尺舒
躍鱗忘水未戴首笑山如凍破堅凝處寒消鱗鱗餘
不因之子臥恐有故人書春到寅津煖漸流丙穴虛
凌陰新納後

寢廟欲登初釣雪何人獨桃花洞口漁

農緯厥耒

負耒來南陌時方課老農祭當舊葉秀緯趁杏花濃
似借橫絲織而操曲柄供洗泥勞縛束墾雨析衡從

綠映袞衣綴青畱蒨笠縫綰將煙縷帶斷以月鎌鋒
杼柚千家急經綸百畝逢有秋懸耜後絢索又三冬
初歲祭未始用賜

暢爲冬月祭用向歲之初秉耒迎田畯吹豳薦野蔬
元辰龜卜後吉亥駿奔餘曲奏枌榆社神迎鄭白渠
營田農不惰颺土草新除畝聽豚蹄視箱期虎掌儲
酒香薰和黍泥滑雜舊畬祈穀

宸衷切耕耘萬井舒

圖有見非

嗜韭閒窺園驚眸綠向晨千畦鋤雪種一束掘泥新

挑菜剛三卯銘椒雜五辛花臨楊帖瘦香笑庾園貧
夜雨來佳客山杯話早春佐燒黃角笋如啖紫髯純
翦摘勞纖手盤餐愧故人秋菰曾比似風味隱居真
時有俊風

陽氣乘春出維南有俊風無慙君子德不愧大王雄
逆受曾霄燕橫蹄絕塞鴻衡雲朝破碎我雪夜消融
養麥千畦綠催花萬樹紅塔鈴金了鳥檐鐸玉丁東
浩蕩迴轅末刁調轉蕙叢如薰麝

舜苗解愠九州同

寒日滌凍塗

凍解東風裏韶光記孟陬三叉冰滿路四達日當衢
綠洗寒沙活紅蒸老渟蘇婦除人跡滑淘汰馬蹄麤
巷別午溝里村分丁字沾芹香泥逗漏絮影淖沾濡
輦道輕繒裂

天街軟繡鋪朝曦看滌濯春涇

帝京塗

田鼠出

穀穀初聞鼠蠕蠕出野田春風毛子國遲日社若天
禮遇農人拱飢邀饑婦憐黠林行野外技莫逞人前
秧水毫黏綠芹泥爪印圓待將穹室塞無奈知墻穿

駕化知何日
猶迎慶有年
鼙鼙名互異
博覽夏正篇
農率均田

東作農初率
同均每每田
稷纔祠乙地
土恰覲寅天
火耨千夫耦
雲耕萬井聯
插秧環繡隴
擔糞擁芳阡
讓畔人相友
偕耘婦在前
青霑蓑背雨
綠擁耜頭煙
釀飲迎神酒
攤分賽社錢

神倉秋有信
預祝屢豐年

獺獻魚

候紀深淵獺
聲喧乍趁魚
鰲來菖葉渚
獻向荻花居
蜃舍春風暖
鷗汀夜月虛
鯖方遲廟薦
鱸欲進王餘

水國供輸後波臣拜納初懸鑑會畫板剖鯉定藏書
曝映空庭藻芹香泮沼蔬

熙朝隆報本月令記觀漁

鷹則爲鳩

夏令桃花候春禽變化奇鷹揚花翻翅鳩拂錦翎披
搏擊威方敏風霜氣漸移笑鵬身欲攫毆爵力先疲
日暖拳毛瘦煙寒褐羽遲在桑安拙性布穀戢雄姿
喚雨聽今日摩雲憶舊時河洲觀

聖治鳩巧亦奚爲

農及雪澤

南畝農功起東皋穡事興澤融今夜雪凍解去年冰
絮影消千疊瓊花碎一層扶犁紅杏塢叱犢綠楊塍
壤滑平鋪繡泥香細裂縉泮因風以散耕趁日之升
魚鱗鱖躍鴈鵝鳴谷化鷹衝寒勤力作社鼓聽鑿鑿
初照于公田

豈不勤私事農心急在公

四推田始藉千畝初終競捧

龍脰日羣趨

鳳暖風課晴寅出早耕雨子來同共竭穿渠力分程鑿
井功蒲茆依畛隰臺笠布南東作息

堯衢裏驅歌

禹甸中倉箱知有慶
椒載兆年豐

采芸

欲辟書中蠹
芳郊始刈芸
一筐攜苾苳
七里襲芳芬
種自華陽異
名從勃蒾分
澗邊勤步武
閣上護斯文
紫鵲曾餐秀
紅蟬早避薰
曝宜丁庫日
蒸合西山雲
裳笥應同貯
巾箱好共焚
芳菲供

內府寶笈富三墳

鞠則見

菊本籬東草
何緣化作星
昨秋花粲粲
今夕影熒熒

春有重陽夢天畱九日醒老人占晚節處士耀芳馨
生應羅含降光招栗里靈霜無青女妒雲寫白衣形
夏令方培韭

堯階正數蓂珠躔聯苑囿瑞象紀延齡

初昏參中斗柄縣在下

參斗乘春令占時記在昏方中光皙皙懸下影焞焞
車轉蒼龍馭旗開白虎蹲戴魁三伐銳枕首一杓尊
北綴璇璣彩西磨鉞有痕泉知飛玉井漿欲挹天樽
中野分梁晉寅纒指角根聯珠膽此夜森布耀台垣
柳穉

花信吹春至萌生柳又稊形纔分顆粒解莫誤稊萸
金粟迎風冒黃鶯破曉啼柔條剛結線香絮未沾泥
帶雨腰猶弱籠煙夢欲迷帘遮兒店淺眉畫壻鄉低
裊裊初當路依依旋拂堤昔年傷別處渭北永豐西
梅杏地桃則華

園亭春一色村墅路三叉梅杏酣朝雨地桃鬬晚霞
孤山千樹冷

上苑幾枝斜牛認山腰路漁迷渡口檀香濃沽酒市彩
豔賣餠家綠意剛眠柳紅腔又唱花燕過了字巷蜂
鬧午時衙風信來金谷韶光覽物華

緹縞

春風吹曉綠莎影滿庭西
縞縞新抽縞稜稜又結縞
角縞沿砌雨芒縞落花泥白
未人歌紵青如客贈縞
芳茵鋪楚苑軟縞踏蘇堤幾
度蘭紉誤居然草帶縞
蕙纈宜其佩縞綬好同締
采擷堪投處芊眠襯馬蹄
雞桴粥

春禽纔出穀應候紀家雞
粥子安窠穩于時覆翼齊
晨星茅店外夜雨竹樓西
習鬪花冠聳聞呼芥羽低
稍隨丁巷啄鳴學午時啼
姬伏桑陰埭雄飛雪後堤
筠籠方待哺土堞恰同栖
圖畫曾瞻李恩勤遍兆黎

往觀黍稷 三月

暖律回春谷單衣隴畔遊田家纔種黍夏令誤耒耜
遲日青苗出溫風白袷收蒲茹依北陌襍種聚東疇
奮袂山庚遍褰裳嫩甲稠笙歌詩未補薌合禮宜修
懿婦裙拖布農官辰與禱豐年占或或鄙上繼前休
初後蒸助厥母粥

粥子三春獸爲羣二月羔已看見壯長能助母劬勞
報本心誠切來思詠更豪彌籓朝雨潤陟岵暮雲高
自有含飴樂何須跪乳操珍郎懷錫頌主簿念同曹
欲答朝暉草先銜曠野蒿

上庠隆孝養盤敦薦柔毛

綏多女士

士女當春仲咸脩冠娶儀中男齊鼓篋幼婦正繰絲
百兩盈門日三加入廟時荆榮兄弟樂桃灼室家宜
餽錦傳雕卵盟香記鱸皮夜良厖不吠晨靜牝無司
芹藻從公詠蘋蘩助祭詩

作人多雅化百室慶安綏

丁亥萬用入學

振萬當如月圓橋重式型維時占吉亥卜日用柔丁
翟似公庭秉鸞宜泮水聽戎鉞題庫露乙杖照樞星

舞蹈仍天動陶銘到性靈絃歌花外篋絲竹壁中經
帳坐春風絳衿聯舊雨青誰陳庚子拜執籥詠

榛苓

祭鮪

潏潏晴江鮪漁師網得之桃花跳浪後竹豆薦腥時
鮮羶俱

主膳馨香祀

祖尸毒須除乙卯日合卜辛宜玉尺裁纖膾銀刀切細絲臨
淵脩鼎寶入廟詠魚麗祭後三春獮嘗先四月鮪

聖朝隆孝享川澤重專司

榮蕖

采采春風裏芳原莖向榮粉榆同紀味蒟藿互稱名
俯拾千秋秀平鋪二月晴烏頭方卓立犢角已駢生
甘苦嘗來備酸醎劑以平地肥莢正綠潛潔味俱清
滑合爲葢及葦宜配蒜兄如飴歌膺膺

禹甸邁周京

采蘩

令紀公侯事爰求沼沚蘩遠春人采采遲日水潏潏
邵女歸期近周姬祭品尊綠纔盈一匊纁未入三盆
獻蘭功伊始親蠶禮克敦擷隨南國藻樹異北堂護

臭味能昭信搜羅敢憚煩園葵同向日刈取莫傷根
昆小蟲抵蜥

小正當二月蠢動記昆蟲欲取蜥爲醢還看蜴出宮
王孫歸草際懶婦起樓東審雨新堂闢丸泥舊堦通
蠅頭仍逐臭蝸角又爭雄壁縫苔全蝕籬根雪半融
功名槐樹幻生計黍民工

盛代宏時術蝸蟻化被同

來降燕乃睇

燕燕來何處春風顧草茅堂前尋舊主梁上覓新巢
海國迴頭遠山家瞥眼遭低惟窺虎落高不盼螭

望杏泥思啄瞻雲翦試拋盱衡羣蝶舞睥睨亂鶯捎
滄欄丁簾近旁觀甲第豪夕陽猶巷口流睇綠楊梢
剝鱗

欲目逢逢鼓春江正取鬣吼風更早應擊浪劍新磨
入窰翻濤斫崔梁曳練過睡驚蛟烏月血灑蚌津波
似豹畱皮在如鯨發韻多響從河伯振聲白顰人和
吐霧靈雖甚援桴意若何辟塵矇眊奏搏拊答

虞歌

有鳴倉庚

百嘯東風暖吹來睨睨聲銜泥看社乙攜酒聽倉庚

柳外春天曉溪頭雨意晴遶西今夜夢花底去年情
綠樹千枝穢青畦十畝耕宮中珠串串谷口斧丁丁
黃看高塋夢紅合

上苑櫻遷喬乘二月應少不平鳴

榮華

孟陬芸已采二月又敷榮綠比邪蒿葉青于豌豆莖
蠶從香處辟靈豈夜來生臭味真脩潔陰陽合淑清
藏書逢太乙擷秀赴夷庚七里籠朝霧千枝茁晚晴
闌干疑苜宿苾馥配薜蘅好向窗前種殷勤護百城
時有見穉始收

十畝新秧綠腰鎌陌上攜亂苗方惡莠見英始收穉
葉覆春秔隴根連早稻畦瞻蒲心正切圖蔓目無迷
非種鋤之去其耘耨以齊茅曾占臬拔草敢憚芟夷
論道原同稗言仁莫誤蕘穰穰豐有兆無事祝豚蹄
參則伏 三月

參自西方伏于時紀季春烏光初躍昂虎氣早空寅
鉄鉞韜中閫旗旂假後塵輝疑雲掩幕彩似月遮輪
在野難分魏爲躔莫守申轉旋隨次舍潛遁養精神
鳴彼虛今夕離羣感故人秋風高出度帶伐再瞻新
掃桑

降雋桑陰滿閨中欲飼蠶馬頭娘早祭鴉髻婦同探
鉤月青縈腕綈雲翠拂參遠揚勞玉斧小摘布筠籃
翦碧千枝澗眠紅半箔酣葉吹風廿四人約月重三
倚彼牆之下爰求陌以南

皇躬資黼黻璘籍女工諳

苑楊

有苑曾歌柳當春又紀楊此株仍濯濯其葉已泔泔
青眼章臺客纖腰洛里娘芳魂眠漢苑舊姓賜隋皇
白下鶯將老黃昏雨亦香垂絲縈別夢飛絮送斜陽
板渚千條疏蘇堤十里長一枝誰折贈人在永豐坊

辨羊

爾牧來何處看驅羴羴羊
寢訛辰院地點綴午橋莊
夜雨柔毛瘦春風竹角長
忠懷持節武愚笑讀書城
籬落多芳草山坡下夕陽
雅宜肥豕速好作束脩將
聲異牛鳴窮羣同鹿在場
禮嚴無故殺治國視犴郎
穀則鳴

鳩拂桐榮候天螻也自鳴
泥根吟曉夜土火話陰晴
鐵氣磨三月燈光就五更
生涯真狗苟黨羽亦蠅營
蟻壤全忘臭仙姑浪得名
颺飛慙小技蚘廢和新聲
猱以翔風短音寧咽露清
雕蟲誰獻藝刻畫總無情

頌冰

朝覲羔初獻頌來

御府冰臣鄰齊下拜

寢廟已先登彩色桃符煥圓紋艾影承千桀春霰集一鑑曉

霜凝

賜共清明火驅看酷暑蠅玉壺詩魄朗雪窖夢魂澄北
陸藏之久東風解未曾寸心清可飲履薄矢兢兢

采識

綠滿芳郊識王孫萬里歸種剛鋤老圃拊恰趁斜暉
黃糝槐花細青垂豆角肥尋香來草閣擷秀整羅衣

舊雨忘形久春風見面稀
班荆情共密采菲願無違
不到三秋暮何愁百卉腓
菜還名苦骨小摘雨霏微
妾子始蠶

燕子忙何事家家正熟蠶
煖房元已吉團簇女丁諳
結伴元黃染分曹笑語誦
銅難推大婦浴好遣中男
輩簪紅裙映篝燈繡祿參
聞鳩阿母喜伺鼠小姑愁
色以泊兮五人真粲者三
爲裳供

黼座厥惟萬方函

執養宮事

其執公侯事春生卅六宮
冰蠶曾獻種雪繭此程功

三才圖會卷之八
璘藉朝榮白銀釭夜浴紅織殘機石月縑遍紡磚風
刺繡閒添線分絲戲唾絨三眠開畫幌八輩滿珠櫛
葦覆閨中箔桑攜陌上籠

聖朝宏衣被杼柚萬家同

祈麥實

浪湧春田麥青青漾晚暉千畦花正吐三月實初祈
秀冀逢庚早秋期老已肥雙岐知有瑞九應願無違
種望延精降神迎福習歸鼓歌花外路賽社柳陰圍
聽雉占方穩操豚祝豈非來牟勤率育合穎兆

王畿

越有小旱

寒消春九九旱小月三三農務耕雲急天時斷雨甘
旬剛遲甲子畦欲病丁男吸水饑煙掠蒸林暝日舍
助炎疑魃虐稻臥笑龍酣陽亢雖非久膏屯已不堪
馬奔桑下井人歇柳陰擔願返羲和轡

恩霽四野覃

田鼠化爲鴛

小正詳物候蟲鳥變來初秋半鴛爲鼠春三鼠化鴛
毛霜梅雨褪羽趁麥風梳同穴山何在穿墉室已虛
卑難安竇處高欲托巢居決起芳田外拚飛落絮餘

生機齊雀蛤妙理悟鳶魚莫笑颺窮技枝栖近

玉除

拂桐芭

百尺孤高樹清明拂拂華因風凝作絮冒雨正揚芭
鳳穴陰方合龍門影半斜榮歸彭澤里鄉入博陵家
似醺浮杯蟻如釵墜鬢鴉綠圭新翦凸碧乳未分叉
竹屋晴雲住茆亭暝雪遮朝陽萋萋奉叶春爛

上林霞

鳴鳩

無奈春將去林鳩宛彼鳴插不啼處處買鏡聽聲聲

婦逐牆頭雨，雛飛屋角晴。
勃姑朝布穀，郭嫂夜催耕。
麥影雙歧秀，桑陰一桁清。
金鉤尋舊約，褐羽話前盟。
舞共紅襟燕，栖同碧樹鶯。
令當鷹化後，雅韻叶

英莖

昂則見

夏四月

嚙彼星瞻，昂維朝影。
乍躋尋源河，在左躡窟月生西。
讒舌宵曾卷，髦頭曉正低。
大梁開旭霧，區陸薄晴霓。
度叶分隲虎，名符踰旦雞。
日纔臨畢濁，宿合配觜觿。
民隲期先卜，天街路不迷。
白衣占有會，珠聚燦如奎。
初昏南門正

雙輝榆影白天上關南門昨歲冬初見今宵正自昏
談然開蕩蕩燦若射煒煒朱鳥躍堪配蒼龍角欲捫
老人應守鑰義叔與司閫軍記西池拱師面北落屯
樓前崇閣閱庫外樹屏藩嚮治真懸象乘離仰

帝垣

鳴北

夏正新紀蜚爾雅又稱蜻狀似蟬而小時先蛸以鳴
嘶風剛四月咽露到三更征蜀詩如畫歸家柳正清
未能全五德也自曳殘聲蜉蝣缺真同氣寧縣記小名
杏青朝雨圓黃綠夕陽柳麥隴秋初躍嚶嚶愜野情

固有見杏

幾樹迎牆出由來固曰靈韭曾先菜甲杏復報園丁
露綴雙丸彈風搖九子鈴花辭瓊宴飲雨夢玉樓醒
壇畔懸朝日江頭亂曉星墜妨泥欲爛調出酪尤馨
絳袖三春苑筠籃十里亭恰同盧橘熟小摘午橋青
鳴蟻

孟夏初聞蟻乘時閣閣鳴偶將螻蛄號誤作射工名
黑雨昏燈夜青蕪廢院坪攪殘千里夢惱亂一春情
苔草曾三月池塘又六更風來萍水綠客坐柳陰清
鼓吹真堪樂官私總不平車前誰式怒壯士爲心驚

玉荳莢

令紀甘瓜秀新同苦菜嘗種原標夏荳名令貢春王
葉嫩千圭綠犀甜半臂黃初煙鵝項曲捲露蝶鬚長
颺擬瑯琊衍花齊富貴芳栽依辰日早剖趁午風涼
豈象中央土而疑四月霜

宸衷勤考訂草率費參詳

取茶

瀛隰芳原外摘篋捋苦茶薪樗同采摘薺蓼共勤劬
嘗膽心如此和熊味似無名曾詳爾雅職或隸司徒
擬薺甘原異調飴臭定殊神雖超鬱壘月已換桃符

黃綻花盈掬青攜葉入廚盤
歿剛首夏野蔬食農夫
莠幽

幽人占坦坦小草譽同標
註雅名傳繞歛幽令紀
蕤風知花信過秋共麥期
饒泥露黃英燦含煙翠帶
翹長嬴剛擷秀半夏未生
苗籊或疑王蕢圖宜雜緯
蕭出山懷遠志成物驗柔
條萬寶豐先兆羣覲

玉燭訓

越有大旱

首夏蟲蟲早當空火織圍
有誰迎熱客無計避炎官
抱甕園丁病鋤禾日午難
曠推真可畏露蔓已非溥

風歛招涼館。塵飛禱雨壇。綠畦龜坼燥。白社鵲聲乾。
望屬雲霓切。先知稼穡艱。

薰絃祛溽暑。解阜

聖恩寬

執陟攻駒

莫謂轅駒小。鞭笞此日功。馳驅開道路。駕馭必英雄。
轡試蘭筋碧。羈騰杏汗紅。權奇真跨竈。老健定追風。
空谷生芻外。章臺落絮中。長輪三歲齒。高控五花鬃。
戀母宵鳴櫪。朝

天曉入宮

臨軒咨牧政
颺拜詠車攻

參則見五月

螭御行南陸
凌晨始見參
高難撐兩股
低尙露三心
屏倚遙開扇
旂懸半掩襟
持衡輝煜煜
秉鉞影森森
閭闔天都尉
神凝晉賈沈
瀨盤朝旭爛
玉井曉煙深
耀自聯旗座
軍應伏羽林
覲

光來九譯武
衛頒朱綬

浮游有殷

楚楚蜉蝣羽
看從五月殷
名因渠略異
形與蛭蟺分
氣化剛三日
蜉飛定幾羣
夜訏蚊作市
朝鬪螳行軍

栩栩忘飢渴營營在旦曠醺雞同擾攘野馬共紛紜
糞土初生質衣裳自有文曹風如可采拋閱誦清芬
鵲則鳴

花落雨冥冥鵲聲不可聽情知春已去啼到夏難停
煙滿蠶叢白雪橫劍閣青叫殘枝上月栖穩樹頭星
蜀道離愁遠河橋旅夢醒鄉心深淺岸別思短長亭
萬里魂歸渺千山血漬醒時當梅落後夜夜繞疎櫺
時有養日

夏五年方小離明候早占日行南陸永風失午時炎
駒隙遲過影虬壺緩報籤三搏真可惜一線想頻添

似倩黃人守宜酣白晝甜朝暉延北垞夕照戀西崦
葵向淩晨早榆收入酉淹

薰絃歌解阜獻嚙遍窮檐

乃瓜

日午炎歊盛招涼乃食瓜堆盤同早李餽客共新茶
虎掌名尤異龍躡種最嘉犀紅金有粟肪白玉無瑕
冷脆清魂夢香腴沁齒牙博輸仙客擔賣記故侯家
泉向冰甌貯刀從雪案加絺巾他日削頒賜

聖恩賒

良蜩鳴

槐夏濃陰密高枝聽彩蜩影宜栖錦障聲欲和錫簫
吸露藏瓊葉吟涼抱玉條風薰剛五月煙柳第三橋
梅雨冠綏潤花竿翡翠飄紅垂宮女鬢紫映侍臣貂
樹色迷青瑣琴音唱綠幺蜩蟬名互異小技愧蟲雕
匱之興五日翁望乃伏

鳴夏蜩方時嘶風輟又與翁時槐翳翳伏去柳層層
鵬舅栖剛穩蟬蟬化最能月遲三五關羽定子孫繩
魄滿圓輪旣形銷朽木仍也知齊女怨不誤文人承
山處隨烏兔炎涼異蟬螳乘時觀物化鳩鳥又爲鷹
啟灌藍蓼

作麴宜薺蓼治絲始刈藍園丁勤啟剔草甲正包函
澱色穠盈一舊花徑闢三蒼黃悲待染辛苦味曾諳
澆灌雲生鋪芟除葉入籃終朝同綠采良相共茶探
不厭期詹久寧憂集未堪青紅相錯處吟詠補周南
鳩爲鷹

誰云鳩太拙得勢復爲鷹陰雨三春喚重霄五月凌
斑毛剛剝落蒼角已峻嶒沙漠雄心舊風塵健翮仍
不甘雌久伏長共雉高騰逐婦何時又摩雲此日能
威稜鵠雁變化悟鰥鵬願借扶搖力搏空萬里乘
唐蛸鳴

蝮蝮鳴五月其醜又名蟾本是胡蟬族微殊蚩蟻行
夢曾驚楚客聲似怨齊王冷露千枝白斜陽半樹黃
粘竿飄翡翠執翳避螳螂梅雨花陰潤荷風葉底涼
化雖因朽木嘶豈類寒蠶莫共鳩同笑鵬程萬里翔
初昏大火中

大火乘離出初昏影正中三星方在戶七月未歌風
律叶焚寶燠輝聯積卒雄煉雲千朶絳燒月一輪紅
烈焰分熒惑炎威助祝融宿宜朱鳥配流定赤烏同
碧漢光如灼明堂彩欲烘歲居誰獻頌

聖瑞燭蒼穹

種黍菽糜

令屆耰鋤候離離
彼黍繁英垂青有
菽苗長赤維糜
粳盤初餉吹簫谷
記溫烹宜歌七月
采合到中原
與芑同仁負爲梁
異本根芟煙翻鋪
影裁雨破泥痕
糾笠雲生隴鳴榔
水繞村生民傳誕
降肇祀溯姜嫄
煮梅

佳果園丁煮青青
五月梅稊乾供竹
豆實標佐金甌
黃熟風前落紅肥
雨後摧和羹香未
了止渴味多回
珠滾銀湯過雲蒸
玉液來醬難加芍
葯酥好配玫瑰
解識酸鹹味方知
鼎鼐才英雄誰共
論同覆掌中杯

蓄蘭

浴待香湯煮宜滋九畹蘭重三曾被袂夏五又彈冠
縹影千枝紫紺紋一萼丹素心邀月浣長爪掬珠揮
翠釜鋪排早黃磁位置安善親風雅座芳襲日新盤
未試絺巾濯先供綺石看澡身芳竟體培養賴園官
頒馬將閒諸刻

房宿臨炎暑曠咨訪六閑攻駒羣已別順則政新頒
未就馳驅範先教服習嫻官丁千隊肅典午八駟閒
輕急防馳囑鞭長策蹇頑杏韉驤蹠蹠桃汗噴爛編
不比駟遊野差同驚按班

皇威宣絕徼天馬貢陽關

初昏斗柄正在上

六月

斗柄南方指時維六月初既昏高在上入夜正淩虛
匡戴文昌府衡懸太一居攜龍蒼角煥枕虎炳文舒
垣彩環天極璇光繞帝車西藩森輔衛東壁煥圖書
位鎮三公右神凝四勢餘

虞廷齊七政儀象耀

丹除

煮桃

九夏梅方煮園官又進桃良辰供豆實佳果佐珍牛

金汁甜如蜜銀肪潔似膏熟宜微雨潤摘向

上林高紫核隨湯沸細紋就鼎熬香非因黍雪冷不比
槐淘入饌偕榛栗登筵共棗糕好同蘋藻薦祭重澗
溪毛

鷹始擊

莽莽風塵裏蒼鷹氣象豪英姿盤雪漠健翮撼晴皋
白草狼河闊黃沙雁塞高星眸空六幕鐵爪脫雙絛
搏擊無儕侶威稜托羽毛孤拳騰猛鷲老角露雄鵄
喚雨三春化摩雲萬里遭煙寒身乍捷平野血蕭騷

芳馨葦

秋七月

一白渺無際蘼花又葦花暮寒生蟹舍秋色到鷗家
木葉蕭蕭下西風淅淅斜詩情淵有渚鄉夢水之涯
八月幽開館三更雪滿槎煙波迷鵬柵燈火認魚叉
綠放蘋洲筠紅抽蓼岸芽伊人在何處霜信問蒹葭
狸子肇肆

金風傳肅殺伏獸最先知蔚也曾占豹斑然又見狸
首如歌有節步以射爲儀古洞雲深處空山木落時
威能宣草莽猛欲卻熊羆氣果經秋鍊身因伺物卑
錢文穿穴出玉面隔林窺好共狐同取重賡七月詩
湟潦生萃

三才圖會卷之四
三
葭影蒼蒼處
渥池積潦淳
柳橋曾落絮
秋水復生萍
藻荇誰家舫
鷗波此日亭
風牽香九子
雨打夢零丁
鳴毯鋪霜紫
魚梁染露青
乾坤真若此
聚散幾番經
泛梗原無定
浮根又小停
川流通

太液吟賞愜清冷

莽蕩

聽鼓嘉賓瑟
秋光在野華
令逢狴犴肆
工奏鹿呦鳴
葉共蒿芩綠
花開町疃晴
功名誰拾芥
宴樂客吹笙
擁簪叢生帚
承筐細擷英
質殊蒲柳弱
采趁蘋蕭榮
肄雅周行示
圖幽物象呈
菁莪占

國瑞聚取遍夷庚

漢案戶

碧水橫天案無聲入戶流瀉將千里影洗出萬家秋
高稱黃姑舉低邀紫女由三星臨北牖一線壓南樓
新月齊眉曲微雲曳練投倬疑霄外落拍向座中收
青玉何曾報紅牆尙隔愁如繩占

聖瑞擬作泛槎遊

寒蟬鳴

蛎也曾鳴夏驚寒又記蟬桐陰初雨後柳影欲霜天
碧樹魂千里秋心話半年何人橫鐵笛此調破銅絃

荒驛涼吟月殘枝冷抱煙楓橋黃葉瘦篠館綠陰圓
懶婦添新怨寒娘結舊緣幽風歌七月恰證夏正篇
初昏織女正東鄉

歧彼臨河女盈盈影嚮東牽牛愁隔水駕鵲喜凌空
望氣先來紫流梭待織紅鬟煙遮錦幄眉月挂珠櫳
坐合隨金母神疑拜木公瀛壺仙靄接氏角彩雲通
約殘長生殿媒招太一宮佳期占七夕乞巧畫樓中
時有霖雨

碧樹蟬鳴後瀟瀟七月霖野田泥坼甲山市雨生壬
遠水浮青黛遙山浴碧簪稻場紅罷亞瓜圃綠差參

響雜脣檐鐸聲喧隔岸砧池塘秋色淺院落暝煙深
不有兼旬澤難安望歲心屢豐真可卜銀竹灑

華林

濯茶

萑葦蒼蒼處褰裳試捋茶波搖花蕩漾雨打影模糊
夜色迷湘浦寒聲繞鑑湖半江晴雪冷幾稜晚煙孤
雁外秋深淺鷗邊夢有無絮敲千點碎霜折一枝枯
鄉思懷槎客風光話釣徒問誰歌水調白露滿菰蒲
斗柄縣在下則旦

疎明瞻北斗向曙動秋煙魁綰三星直衡低一柄懸

繩繩排玉璽燦燦訝珠聯影挂城邊月光搖牖外天
攜杓輝繞角齊政彩流璇錯落陽儀轉蒼茫曉色傳
文會垂錄府符亦協台躔况接扶桑曜曜照八埏
剝瓜 八月

未剝東隣棗甘瓜早上場記曾辰日種恰向西秋嘗
蒂摘青門雨樹垂玉井霜冰甌堆翠飈雪刃劈紅瓢
逐隊浮新水勞曹戰晚涼心清纔咽露鼻選已盈筐
雅合陪茶話寒應配蔗漿上環登

寢廟時物薦芬芳

元校

染纈當秋仲于歸吉待占元宜纁組雜校與色絲兼
七日幌初漚三盆蘭又淹黥光輝寶髻黛影晃花奩
豔襯宮衣裏華渲貢篋纖浣紗霜滿杵製錦月當簾
幼婦休誇絹新人善織縑女紅勤趣練

黼黻耀堂廉

剝棗

不禁鄰家撲秋風聚滿枝恰當瓜剝後況值栗零時
破籠擎初到喬竿掠未遲殘陰遮老圃暗響隔疎籬
獨也非同也新之又寔之皺紅真可愛抱赤本無私
落日人剛散空林鳥尙窺來來民俗好田野繪幽詩

栗零

欲煮河東飯攜筐到短亭
三秋瓜始剝八月栗先零
林打霜聲脆園收露的馨
枝搖鷹爪綠毬裂蝟毛青
滾雨千團蠟搓煙萬箇鈴
蒼蓬拋厯碌紫殼墜瓏璫
蒲柳雖同質候榛本異形
邊人供饋食珍佐

御筵銅

丹鳥羞白鳥

螢飛蚊聚候丹白儼分儔
有翼皆名鳥乘時恰進羞
珍將宵燭照梁向黍民謀擇
肉來紗幙拚飛入彩幃
甯收昏市後露積錦城秋
照讀饒三味嚼膚勝五侯

飽櫻充炙脯腐草代薪樵
午夜囊紗滿應忘曼倩髮
辰則伏

心宿西方沒休猷七月
豳紀流原有火占伏又稱辰
芒偃天旗市輝潛析木津
分躔虛配鳥入度讓飛鵲
警已銷烽燿抽應去積薪
成軍曾滅虢除彗兔襮陳
似緯推行速惟樞拱向新
待逢春始見凝撫仰

楓宸

鹿人從

夏令傳秋獵虞官大小從
或羣占戊吉卽鹿矢寅恭
挺走侯名鉅馴游客姓茸
獸臣勞掎角爪士想雍容

樸樸林初入葦蒿食競供軍威脩虎旅堠火靖狼烽
濯濯遊靈囿呦呦樂辟廡長楊誰獻賦

神武不妨農

駕爲風

氣候循環巧春秋變化奇駕會因風化鼠又以駕爲
穴已營三窟巢非借一枝黃昏人靜後白社雀馴時
屋底穿無角田閒相有皮翻然辭野樹倏爾出山陂
雄蜃眞機悟鴈鳩妙理推生生憑造物蟲鳥亦何知
參中則旦

將旦參初見觀星誤記中斗杓懸酉位衡石鎮申宮

月落雙肩白暘升兩距紅旗旂方按部屏井亦凌空
虎踞朝氛斂烏飛旭景融參謀光磊落帶伐影瞳眈
魏野晴占早咸池曜定同秋星輝有象曙色破鴻濛
丙火 九月

國火鑽方改秋星度已辭出當榆落候納向菊榮時
回祿威初斂明堂影早移灼無憂燄燄妖不叫譖譖
政令修宮鐸光輝掩市旗節如煙有禁官以燿名司
恰比三庚伏纔過五戊期春風看又

賜應和百僚詩

遣鴻雁

白露初零日征鴻遠絕塵夏正方見遯月令記來賓
小住衡峯頂纔辭易水濱中途逢燕乙斜影度虹申
故國霜前夢平沙畫裏身爪畱經歲雪聲換去時春
繫帛傳邊信啣蘆避弋人爲儀占

國瑞雲路喜同振

主夫出火

秋盡昆蟲蟄霜繁宿草枯農官方縱火夏令誤傳夫
原燎芳田沃萊焚繡壤腴編管明白晝列燈耀紅爐
竹掃煙中籜桑扶燼後株燂林驚鶴鶴燂野走鷗鷗
餘燄分鄰壁

榮光出

御廚乘離真有象

聖瑞兆流烏

陟元鳥蟄

蟄燕當元月飛鳴別繡幢
堂辭前度壘磯認舊時狂
風刷紅襟瘦霜摧玉翳降
秋聲傳雁塞鄉夢繞雞窗
去國遲重九歸途定幾雙
泥痕畱畫楫樓影閉銀缸
紫領慵巢幕烏衣倦渡江
于飛春有約賀厦語應咙
熊羆貊貉馳颺則穴

夏令詳諸蟄霜寒九月初
獸羣皆墜戶鼠子亦歸廬

隱霧隨潛豹穿壙待化駕向占壬壑向各守卯宮居
煥館身齊伏陰巖食早儲雲迷三窟遠木落萬山虛
令補幽風什名詳爾雅疏竚聞

韶樂奏率舞誦虞書

榮鞠

寒花榮老圃佳節近重陽人向西風瘦時當白雁翔
一籬秋冷落三徑雨昏黃未肯腰輕折偏能節晚香
餐英騷客怨插帽酒徒狂簾捲千枝月叢開九日霜
史應脩隱逸家合住柴桑好共茱萸采登高佩絳囊
樹麥

欲樹芳原麥親攜白柄鋤
隴雲黏雨膩腔水帶潮鹹
綠襯沿堤草青渲繞屋杉
新涼生短笠晨潤上輕衫
節有題糕癖人添說餅僂
秀占花一稜歧卜穗雙鹹
宿種鋤泥布陳根裊露芟
勸農詳月令

鳳詔日邊銜

王始裘

霜肅授衣秋

君王始御裘政方行羽物服已貢渠搜萬國趨

龍袞千官拜

蜺旒成逢重九宴披向

上林蒐補闕臣心切焚珍

帝德優

解推先大帥

賜資遍通侯

瑞靄凝狐腋

恩光集雉頭羣黎欣

衣被無復禦冬憂

辰繫于日

西陸初行日東方早見辰陽光相繫屬曉色其澄新
燦爛扶桑綴差參若木紉招搖纔指戌光曜已開章

抱珥紛連貝懸鉦細點銀輝疑聯玉井焰欲縮金輪
幽火流曾繪岫暘出記賓燭龍高照處磊落耀霜晨
雀入于海爲蛤

海錯何多蛤由來雀所爲羽隨潮變化珠與月盈虧
取水當今夕銜環定幾時秋先鮫室到喜報蜃樓知
躍不防鷹逐爭休與蚌持豈同泥郭索無復翼差池
粉訝三商滿風曾九夏吹滄溟真莫測小見愧占龜
豺祭獸 冬十月

十月豺當道三冬獸在林爪牙威肇肆毛血祭來歆
未果貪饒腹偏懷禱媚忱駿奔黃葉隴牲蒞白雲岑

落木迎神曲清霜報本心
餽邀班叔宴親情野賓吟
吉日惟占戊先靈享應壬
且采新設處風雨祀司禽
初昏南門見

誤記南門見黃昏十月初
在宵原寂靜詰旦始熒如
象合重離耀輝聯九坎餘
月華籠次舍雲氣護儲胥
四闢鉤鈴啟中懸閣道紆
八層飛入夢雙闕動凌虛
掩映西流火招搖北指車
氏羌看納貢環拱

紫微居

黑烏浴

流水孤村外寒鴉點點歸
浮沈新試浴高下正紛飛

浣月盤疑小。梳風櫛亦稀。啼誰驚白項。振莫誤烏衣。
遠掠鳬翁浪。低旋燕子磯。繞枝三匝遍。灑墨數行圍。
異鵠黔真不如鷗。戲或非倦還知輟。濯牛背晒斜暉。
時有養夜。

南門星始見。北陸日將闌。五夜長如許。三餘歲旣單。
林鳥飛月倦。山鬼拜鐘殘。甲乙書觀久。庚申道守難。
何人眠棧雪。有婦夢樓蘭。漏滴傳更永。霜深逗曉寒。
簷聲催玉鐸。燭影炮銅盤。破凍梅開未。誰憑十二欄。
元雉入于淮。爲蜃。

滄海樓臺起。羣驚蜃氣佳。尙元知有雉。盛白變于淮。

三才圖會
卷之八
三
輦近胎簪化媒曾吐綬偕乘離原鷺鷥入坎況潛潛
市有蛟郎幻林無鳳隸階羅孕空夏翟簪取共春盛
枳橘生機異鯢鵬妙悟諧從今桐柏下獻與趣裳潛
織女正北鄉則旦

黃姑當夜織北嚮意如何拱極雲張錦橫天水助波
神遊青塚遍光射紫臺多盼雁傳書到迥極拂斗過
盧龍疑夢塞烏鵲未填河裙自風吹帶機仍露泣梭
盟寒惟月姊伴冷有霜娥脈脈休傷別明秋約不訛
王豹 十有一月

大閏傳冬狩時田紀夏王選徒旄旒舉講武鐔鏡將

放犬金鈴響呼鷹玉爪颺萬山紅夜火千樹白秋霜
輦道雷霆動旗門草木香虎貌無猛鷲弧矢有輝光
父老歡稱兒臣鄰賭射聲

木蘭誰扈從獻賦擬長楊

陳筋革

瑯弓懸兩石犀甲練三軍夏令方陳革冬官早治筋
荆麋深徹札鄭兕勇超羣不藉麟膠勁庸隨象齒焚
捕求原獸健拜納武夫勤毛羽同輸貢旂常定紀勳
鐵胎彎塞月金鑠鍊燕雲佇奏鷹揚績

皇威異域聞

三才少長
齊人不從

夏令場功畢
敗遊記仲冬
由來王者狩
不遣畬人從
射兔千僚集
呼鷹百職供
弓招非畏友
畔越恐妨農
隴雨開新墾
轡煙鎖舊踪
馳疑隨舊庶
司合配坊庸
耒耜脩宜丞
車徒命孰恭
田官勤力穡
作觀慶雲龍

附樂角

霽發寒風起
羣麋感一陽
新茸猶未茁
故角已先僵
駢竹拊捐棄
岐丫太老蒼
空山難挂月
野圃易催霜
齧齧堆於砦
甃甃幌在場
羸其憐睨落
崩厥笑頽唐

冬至鋒雖戢春來摘定長食萃歌雅讌露頂又昂藏
鳴弋十有二月

朔風吹栗烈占候聽鳴鳶繫矢休訛弋驚弓早避弦
塵埃雙轂外霧瘴五溪邊亥豕關前月辰龍塞上煙
一聲初墮地千里正摩天極浦聞徧徹寒雲響欲穿
鄉心愁跼跼畫角助縣縣冲舉層霄近重賡旱麓篇
元駒賁

駒螭來酣戰銜枚靜不喧占陰知尙黜出穴競先賁
萬騎編橋浪三軍戴粒屯陣宜衝黑衛鬪合笑烏犍
蠢蠢會旋磨昂昂豈繫轅馳驅槐國小駕馭黍民煩

似踏青緣垣曾攜綠泛歸翻嗤王濟馬蹏蹏未同論
納卵蒜

西域傳銀蒜同如卵翼勤孕青畦畔種累白地中分
抱草非雌伏窠泥定鳳紋破妨犀押墜完訝麝團薰
漬醬輪三韭和鹽入五葷有香含穀穀此味配膾臠
濡寶宜供蓼羹詞合采芹園官初納餽饌進

紫宸君

虞人入梁

冰壯潛鱗蟄漁師始入梁蘭橈搖舴舢桂柁到滄浪
網結珊瑚密綸垂翡翠芳聞腥齊擁漚釣雪記鳴榔

鱸餌青鱸美登盤玉膾香生涯歌在藻職守諫于棠
沽酒招同侶烹魚話夕陽會看春浪至罔圉復洋洋

三長物齋詩畧附刻終